



蘇魏六朋臣史文選

卷之四

目二

漢魏六朝正史文選卷之四 目錄

漢書 奏議

魏相

請尊任張安世父子封事

諫伐匈奴書

王父偃

諫伐匈奴

嚴安

言世務書



漢魏六朝正史文選
吾丘壽王

禁民毋得挾弓弩對

終軍

王父白麟奇木對

梅福

言王氏書

雲光

奏廢昌邑王

張敞

論處霍氏書

路溫舒

尚德緩刑書

蕭望之

滅匈奴對

趙充國

屯田奏

有司

單于朝禮議

貢禹

循古節儉疏

劉向

條春秋災異封事

東漢

秦疏

王

政治得失疏

治家正性疏

南北郊奏

韋玄成

罷郡國廟議

翼奉

再奏封事

谷永

說上距絕祭祀方術

諫上微行

訟陳湯疏

清獻公集卷之六
師丹

定陶共皇議

王音

上言飛雉集于庭

對中常侍鼂閔詔

翟方進

奏紅陽侯黨友

平當

進樂議

賈讓

治河策

李尋

灾異對

王嘉

遣將行邊對

請重二千石

鮑宣

論董賢書

母將隆

諫賜武庫兵

楊雄

諫辭單于來朝書

漢魏六朝正史文選卷之四

目終

漢魏六朝正史文選卷之五

目錄

漢書

雜著

婁敬

諫都雒陽疏

薄昭

諫數淮南王書

鄒陽

獄中上梁王書

枚乘

諫吳王書

王吉

諫昌邑王疏

司馬相如

喻巴蜀檄

難蜀父老

封禪文

劉歆

移書讓太常博士

杜欽

說大將軍

杜鄴

說王音

賈誼

過秦論

東方朔

客難

非有先生論

漢魏六朝正史六選

漢魏六朝正史六選卷之五

目終

漢魏六朝正史文選卷之六

目錄

漢書

史論

百官公卿表序

異姓諸侯王表序

諸侯王表序

高惠高后文功臣表序

外戚恩澤侯表序

溝洫志序

循吏傳序

貨殖傳序

游俠傳序

武帝紀贊

宣帝紀贊

元帝紀贊

郊祀志贊

張耳陳餘傳贊

季布樂布田叔傳贊

李廣蘇建傳贊


武王子傳贊

佞幸傳贊

西域傳贊

漢魏六朝正史文選卷之六

目終



漢書 奏議

顧在觀觀生

張一鵠友鴻

雲間

許清胤介夫輯評

顧之萃宗之叅訂

勾章陳

裕廣生

陳 祐天生

魏相

字弱翁濟陰人與丙吉善韋賢病免代爲丞相與吉同心輔政爲人嚴毅視事九年薨

請尊任張安世子封事

時霍光薨霍氏尤擅權安世素小心畏忌相欲尊任以防霍氏之變故上書

聖主褒有德以懷萬民顯有功以勸百寮是以朝廷尊榮天下鄉風國家承祖宗之業制諸侯之重新失

大將軍宜宣章盛德以示天下顯明功臣以填藩國
毋空大位以塞爭權所以安社稷萌未萌也車騎將
軍安世事孝武皇帝三十餘年忠信謹厚勤勞政事
夙夜不怠與大將軍定策天下受其福國家重臣也
宜尊其位以爲大將軍毋令領光祿勲事使專精神
憂念天下思惟得失安世子延壽重厚可以爲光祿
勲領宿衛臣

安世德器深厚當山禹驕橫之際屹然鎮壓者唯
斯人魏相識畧所以高人數等

魏相

字弱翁濟陰人與丙吉善韋賢病免代爲丞相與吉同心輔政上皆重之爲人嚴毅視事九年

夢

諫伐匈奴書

趙充國等議欲因匈奴衰弱出兵擊其右地使不敢復擾西域相上

書

諫

臣聞之、救亂誅暴、謂之義兵、兵義者王、敵加於已、不得已而起者、謂之應兵、兵應者勝、爭恨小故、不忍憤怒者、謂之忿兵、兵忿者敗、利人土地貨寶者、謂之貪兵、兵貪者破、恃國家之大、矜民人之衆、欲見威於敵者、謂之驕兵、兵驕者滅、此五者非但人事、乃天道也、

間者匈奴嘗有善意、所得漢民輒奉歸之、未有犯於邊境、雖爭屯田車師、不足致意中、今聞諸將軍欲興兵入其地、臣愚不知此兵何名者也、今邊郡困乏、父子共犬羊之裘、食草萊之實、常恐不能自存、難以動兵、軍旅之後、必有凶年、言民以其愁苦之氣、傷陰陽之和也、出兵雖勝、猶有後憂、恐災害之變、因此以生、今郡國守相多不實選、風俗尤薄、水旱不時、案今年計、子弟殺父兄、妻殺夫者、凡二百二十二人、臣愚以為此非小變也、今左右不憂此、乃欲發兵報讎、介之

念於遠夷。始孔子所謂吾恐季孫之憂不在顓臾而
在蕭牆之內也。

相居位無他奇輒畱心四方逆賊風雨災變及此
書言陰陽風俗之大有聲宜矣

司馬曰曰則雖大奸賊必亡天下雖平惡賊必危天
下無事天子大德存也春秋猶詰戎春振旅秋治兵所
以不忘戰也且無言遊也也兵者凶器也爭者末節
也君子居一德而後用之故聖王重行之也夫
戰者國之大事也和平則安戰則危故聖王重行之也

王父偃

齊國臨菑人學長短縱橫術北海諸侯皆莫能厚甚困及貴大臣皆畏其口賂遺千金或

曰太橫偃曰丈夫生不五鼎食死則五鼎烹耳

諫伐匈奴

元光元年偃入關衛將軍數言上不省資用乏廼上書關下朝奏暮召入見

司馬法曰國雖大好戰必亡天下雖平忘戰必危天下既平天子大愷春蒐秋獮諸侯春振旅秋治兵所以不忘戰也且怒者逆德也兵者凶器也爭者末節也古之人君一怒必伏尸流血故聖王重行之夫務戰勝窮武事未有不悔者也昔秦皇帝任戰勝之威

蠶食天下、并吞戰國、海內爲一、功齊三代、務勝不休、
欲攻匈奴、李斯諫曰、不可、夫匈奴無城郭之居、委積
之守、遷徙鳥舉、難得而制、輕兵深入、糧食必絕、運糧
以行、重不及事、得其地、不足以爲利、得其民、不可調
而守也、勝必棄之、非民父母、靡敝中國、甘心匈奴、非
完計也、秦皇帝不聽、遂使蒙恬將兵而攻胡、卻地千
里、以河爲境、地固澤鹵、不生五穀、然後發天下丁男
以守北河、暴兵露師、十有餘年、死者不可勝數、終不
能踰河而北、是豈人衆之不足、兵革之不備哉、其執

不可也。又使天下飛芻輓粟，起於黃腫琅邪，負海之郡，轉輸北河，率三十鍾而致一石。男子疾耕，不足於糧，餉女子紡績，不足於帷幕。百姓靡敝，孤寡老弱不能相養，道殍相望。蓋天下始叛也。及至高皇帝定天下，略地於邊，聞匈奴聚，代谷之外而欲擊之，御史成諫曰：「不可。夫匈奴獸聚而鳥散，從之如搏景。今以陛下盛德攻匈奴，臣竊危之。」高帝不聽，遂至代谷，果有平城之圍。高帝悔之，迺使劉敬往結和親，然後天下亡干戈之事。故兵法曰：「興師十萬，日費千金。」秦常

積衆數十萬人。雖有覆軍殺將。係虜單于。適足以結怨深讐。不足以償天下之費。夫匈奴行盜侵歐。所以爲業。天性固然。上自虞夏殷周。固不程督禽獸畜之。不比爲人。夫不上觀虞夏殷周之統。而下循近世之夫。此臣之所以大恐也。且夫兵久則變生。事苦則慮易。使邊竟之靡敝愁苦。將吏相疑而外市。故尉佗章邯得成其私。而秦政不行。權分二子。此得失之效也。故周書曰。安危在出令。存亡在所用。願陛下孰計而加察焉。

此時方銳意匈奴偃之言曰務戰勝窮武事未有不悔者也宜不相入然朝秦夕召者何哉固知其中有不得以已者矣

則會之
有易則易之

則會之
有易則易之

則會之
有易則易之

則會之
有易則易之

則會之
有易則易之

則會之
有易則易之

中亦不辭以日青矣
不辭皆此宜不財人
然陳秦之呂青而固
其此亦大餘意向歆
劉之言曰絲彈網
罪先事未育

嚴安

臨苗人以故丞相
史上書爲騎馬令

言世務書

臣聞鄒子曰政教文質者所以云救也當時則用過

則舍之

非其時則
廢置也

有易則易之

可變易
者則易

故守一而不

變者未睹治之至也今天下人民用財侈靡車馬衣

裘宮室皆競修飾調五聲使有節族雜五色使有文

章重五味方丈於前以觀欲天下彼民之情見美則

願之是教民以侈也侈而無節則不可贍民離本而

微末矣末不可徒得故搢紳者不憚爲詐帶劒者夸

殺人以矯奪而世不知媿故姦軌浸長夫佳麗珍怪
固順於耳目故養失而泰樂失而淫禮失而采教失
而僞僞采淫泰非所以範民之道也是以天下人民
逐利無已犯法者衆臣願爲民制度以防其淫使貧
富不相耀以和其心心既和平其性恬安恬安不營
則盜賊銷盜賊銷則刑罰少刑罰少則陰陽和而時
正風雨時草木暢茂五穀蕃孰六畜遂字民不天厲
和之至也

此書後風武帝處借秦爲諭多二賈之所已言然

吾丘壽王

字子贛趙人也高材通明遷侍中中郎坐法免久之復召為郎遷東郡都尉徵入為

侍中後坐事誅

禁民毋得挾弓弩議對

丞相公孫弘奏言禁民毋得挾弓弩便上下其議

壽王對曰臣聞古者作五兵非以相害以禁暴討邪

也

五兵矛戟弓劍戈

安居則以制猛獸而備非常有事則以

設守衛而施行陣及至周室衰微上無明王諸侯力

政彊侵弱衆暴寡海內抗敝巧詐並生是以知者陷


愚勇者威怯苟以得勝為務不顧義理故機變械飾

所以相賊害之具不可勝數。於是秦兼天下，廢王道，立私議，滅詩書，而首法令，去仁恩，而任刑戮，墮名城，殺豪傑，銷甲兵，折鋒刃，其後民以耰鉏筆梃相撻擊，犯法滋衆，盜賊不勝。至於赭衣塞路，羣盜滿山，卒以亂亡。故聖王務教化而省禁防，知其不足恃也。今陛下昭明德，建太平，舉俊材，興學官，三公有司，或繇窮巷，起白屋，裂地而封，宇內日化，方外鄉風。然而盜賊猶有者，郡國二千石之罪，非挾弓弩之過也。禮曰：男
子生，桑弧蓬矢以舉之，明示有事也。孔子曰：吾何執。

執射乎大射之禮自天子降及庶人三代之道也詩云大侯既抗弓矢斯張射夫既同獻爾發功言貴中也愚聞聖王合射以明教矣未聞弓矢之爲禁也且所爲禁者爲盜賊之以攻奪也攻奪之罪大然而不止者大姦之於重誅固不避也臣恐邪人挾之而吏不能止良民以自備而抵法禁是擅賊威而奪民救也竊以爲無益於禁姦而廢先王之典使學者不得習行其禮大不便

公孫弘以退爲進善誦於人然此對辭理兼長卽

欲彊飾亦不可得也



終軍

字子雲濟南人年十八選為博士弟子上書言
事拜為謁者使行郡國還奏上說自請使匈奴
擢為諫大夫南越和親軍請願受長纓羈南越
王致之闕下遂往越王聽許相呂嘉不欲發兵
攻殺漢使者軍次年
二十餘世謂之終童

白麟奇木對

上幸雍祠五時獲白麟一角時又
得奇木其枝旁出輒復合于木上

異此二物
博謀群臣

軍上對曰臣聞詩頌君德樂舞后功異經而同指明
盛德之所隆也南越竄屏葭葦與鳥魚群正朔不及
其俗有司臨境而東甌內附閩王伏臯南越賴救北
胡隨畜薦居禽獸行虎狼心上古未能攝大將軍秉

鉞單于奔幕。票騎抗旌。昆邪右衽。

右衽從中國化也

是澤南

洽而威北暢也。若罰不阿近。舉不遺遠。設官竢賢。縣

賞待功。能者進以保祿。罷者退而勞力。刑於宇內矣。

履衆美而不足。懷聖明而不專。建三宮之文質。章厥

職之所宜。

三宮明堂辟雍靈臺

封禪之君無聞焉。夫天命初定。

萬事草創。及臻六合同風。九州共貫。必待明聖潤色。

祖業傳於無窮。故周至成王。然後制定。而休徵之應

見。陛下盛日月之光。垂聖思于勤成。專神明之敬奉。

燔瘞於郊宮。獻享之精交神。積和之氣塞明。而異獸

來獲宜矣。昔武王中流未濟，白魚入于王舟，俯取以
燎。群公咸曰：休哉！今郊祀未見於神祇，而獲獸以饋
此天之所以示饗而上通之符合也。宜因昭時令日
改定告元，苴以白茅於江淮，發嘉號于營丘，以應緝
熙。苴作席也。江淮，職貢三脊茅爲藉也。嘉號，封禪也。泰山在齊分野，故曰營丘也。使著事者
有紀焉。蓋六鵬退飛，逆也；白魚登舟，順也。夫明闇之
徵，上亂飛鳥，下動淵魚，各以類推。今野獸并角，明同
本也；衆支內附，示無外也。若此之應，殆將有解編髮
削左衽，襲冠帶，要衣裳而蒙化者焉。

武帝自足以當此軍詞不爲導諛矣

梅福

字子真九江人爲郡文學補南昌尉去官以讀書養性爲事王莽秉政一朝弃妻子去

言王氏書

福數因縣道上言變事詣行在所條對急政輒報罷王氏浸盛災異數見

羣下莫敢正

言福復上書

臣聞箕子佯狂於殷而爲周陳洪範叔孫通遁秦歸漢制作儀品夫叔孫先非不忠也箕子非疏其家而畔親也不可爲言也昔高祖納善若不及從諫若轉圜聽言不求其能舉功不考其素陳平起於亡命而爲謀主韓信拔於行陳而建上將故天下之士雲合歸漢爭進奇異知者竭其策愚者盡其慮勇士極其

節怯夫勉其死。合天下之知。并天下之威。是以舉秦如鴻毛。取楚若拾遺。此高祖所以亾散於天下也。孝文皇帝起於代谷。非有周召之師。伊呂之佐也。循高祖之法。加以恭儉。當此之時。天下幾平。繇是言之。循高祖之法。則治。不循則亂。何者。秦爲亾道。削仲尼之迹。滅周公之軌。壞井田。除五等。禮廢樂崩。王道不通。故欲行王道者。莫能致其功也。孝武皇帝好忠諫。說至言。出爵不待薦茂。慶賜不須顯功。是以天下布衣各厲志竭精。以赴闕廷。自銜鬻者。不可勝數。漢家得

賢於此爲盛、使孝武皇帝聽用其計、升平可致、於是
積尸暴骨、快心胡越、故淮南王安緣間而起、所以計
慮不成、而謀議泄者、以衆賢聚於本朝、故其大臣執
陵不敢和從也、方今布衣廼窺國家之隙、見間而起
者、蜀郡是也、

成帝鴻嘉中廣漢男子鄭躬等反

及山陽亡徒蘓令之

羣、蹈藉名都大郡、求黨與、索隨和而亡、逃匿之意、此
皆輕量大臣、亡所畏忌、國家之權輕、故匹夫欲與上
爭衡也、士者、國之重器、得士則重、失士則輕、詩云、濟
濟多士、文王以寧、廟堂之議、非草茅所當言也、臣誠

恐身塗野草尸并卒伍故數上書求見輒報罷臣聞
齊桓之時有以九九見者桓公不逆欲以致大也今
臣所言非特九九也陛下距臣者三矣此天下士所
以不至也昔秦武王好力任鄙叩關自鬻繆公行伯
繇余歸德今欲致天下之士民有上書求見者輒使
詣尚書問其所言言可采取者秩以升斗之祿賜以
一束之帛若此則天下之士發憤懣吐忠言嘉謀日
聞於上天下條貫國家表裏爛然可睹矣夫以四海
之廣士民之數能言之類至衆多也然其僞桀指世

陳政言成文章質之先聖而不繆施之當世合時務
若此者亦亾幾人故爵祿束帛者天下之底石高祖
所以厲世摩鈍也孔子曰工欲善其事必先利其器
至秦則不然張誹謗之罔以爲漢歐除倒持泰阿授
楚其柄故誠能勿失其柄天下雖有不順莫敢觸其
鋒此孝武皇帝所以辟地建功爲漢世宗也今不循
伯者之道廼欲以三代選舉之法取當世之士猶察
伯樂之圖求騏驎於市而不可得亦已明矣故高祖
弃陳平之過而護其謀晉文召天王齊桓用其讐亾

益於時、不顧逆順、此所謂伯道者也。一色成體、謂之純、白黑襍合、謂之駁。欲以承平之法、治暴秦之緒、猶以鄉飲酒之禮、理軍市也。今陛下既不納天下之言、又加戮焉。夫戴鵲遭害、則仁鳥增逝。愚者蒙戮、則知士深退。間者愚民上疏、多觸不急之法、或下廷尉而死者衆。自陽朔以來、天下以言爲諱。朝廷尤甚。羣臣皆承順上指、莫有執正。何以明其然也。取民所上書、陛下之所善、試下之廷尉。廷尉必曰非所宜言、大不敬。以此卜之一矣。故京兆尹王章、資質忠直、敢面引

廷爭孝元皇帝擢之以厲具臣而矯曲朝及至陛下
戮及妻子且惡惡止其身王章非有反畔之辜而殃
及家折直士之節結諫臣之舌羣臣皆知其非然不
敢爭天下以言爲戒最國家之大患也願陛下循高
祖之軌杜亡秦之路數御十月之歌留意亡逸之戒
除不急之法下亡諱之詔博覽兼聽謀及疏賤令深
者不隱遠者不塞所謂辟四門明四日也且不急之
法誹謗之微者也往者不可及來者猶可追方今君
命犯而主威奪外戚之權日以益隆陛下不見其形

願察其景。建始以來。日食地震。以率言之。三倍春秋。
水災。亾與比數。陰盛陽微。金鐵爲飛。此何景也。河平二年

沛郡鐵官鑄鐵如星飛上去

漢興以來。社稷三危。呂霍上官。皆母

后之家也。親親之道。全之爲右。當與之賢師良傅。教以忠孝之道。今廼尊寵其位。授以魁柄。使之驕逆。至於夷滅。此失親親之大者也。自霍光之賢。不能爲子孫慮。故權臣易世則危。書曰。毋若火始庸庸。執陵於君。權隆於主。然後防之。亦亾及已。

大要以高文武三帝得士爲主。得賢以自輔者所

以遏亂萌深于斥王氏者也

大將軍史道

秦廢昌邑王

昌邑王劉賀初行無光光為昌邑王

大司馬大將軍臣光車

臣光車

臣光車

臣光車

臣光車

臣光車

有之矣也親之逆勢之為有常也之理自其
以忠孝之道今則尊其位授以魁柄使之順逆至
於其此大親親之大者也自謂光之賢不能為子
而處其位也易也則危者曰排若火始而相疑陽於
其懷陰於其心然則陽之亦陰及已

以張綱則幾于弑王莽莽也主得賢以自輔者所

霍光

字子孟驃騎將軍去病弟任光為郎遷侍中奉

車都尉出入禁闥二十餘年未嘗有過後元二年上病篤以光為大司馬大將軍受遺詔輔少主

奏廢昌邑王

昌邑王既卽位行淫亂光與羣臣白太后具陳昌邑不可以承宗廟狀

尚書令讀奏曰丞相臣敞

楊敞

大司馬大將軍臣光車

騎將軍臣安世度遼將軍臣明友

范明

前將軍臣增

韓增

後將軍臣克國

趙克國

御史大夫臣誼

蔡誼

宜春侯臣譚

王子

當塗侯臣聖

魏姓

隨桃侯臣昌樂

趙姓

杜侯臣屠耆

堂

故人故胡

太僕臣延年

杜延年

太常臣昌

燕昌

大司農臣延

年。田延宗正臣德。少府臣樂成。姓廷尉臣光。李執金

吾臣延壽。李延壽大鴻臚臣賢。韋賢左馮翊臣廣明。田廣明

右扶風臣德。周德長信少府臣嘉。不知典屬國臣武。武

京輔都尉臣廣漢。趙廣漢司隸校尉臣辟兵。不知諸吏

文學光祿大夫臣遷。王遷臣畸。宋畸臣吉。景吉臣賜。臣管。臣

勝。臣梁。臣長幸。並不知臣夏侯勝。同官同名故太中大

夫臣德。不知臣邛。趙克國昧死言皇太后陛下。臣敞

等頓首死罪。天子所以永保宗廟總壹海內者。以慈

禮誼賞罰為本。孝昭皇帝。早棄天下。亾嗣。臣敞等

議禮曰。爲人後者爲之子也。昌邑王宜嗣。後遣宗正
大鴻臚光祿大夫奉節使徵昌邑王。典喪服斬縗。亾
悲哀之心。廢禮誼。居道上不素食。使從官畧女子載
衣車。內所居傳舍。始至謁見。立爲皇太子。常私買雞
豚以食。受皇帝信璽行璽。大行前。行前昭帝
帝柩前就次發璽
不封。從官更持節。引內昌邑。從官騶宰官奴二百餘
人。常與居禁闥內。敖戲自之符璽。取節十六。自往至
署取節
也。朝暮臨。令從官更持節從。爲書曰。皇帝問侍中君
卿。昌邑之侍中
名君卿也使中御府令高昌奉黃金千斤。賜君

卿取十妻。大行在前殿。發樂府樂器。引內昌邑樂人。

擊鼓歌吹作俳倡。會下還上前殿。下謂樞擊鐘磬。召

內泰壹宗廟樂人。輦道牟首。祭泰壹神樂人也。牟首地名。召泰壹樂人內之。

於輦道牟首而鼓吹歌舞。悉奏衆樂。發長安厨三太

牢具。祠閣室中。禱淫祀已。與從官飲啗。駕法駕皮軒

鸞旗。驅馳北宮桂宮。弄薨鬪虎。召皇太后御小馬車。

皇太后所駕遊宮中輦車也。使官奴騎乘遊戲掖庭中。與孝昭皇

帝宮人蒙等淫亂。詔掖庭令敢泄言要斬。太后曰止。為人臣子

當悖亂如是邪。王離取諸侯王列侯二千石綬及墨

席扶尚書令復讀曰

殺黃綬。以并佩昌邑郎官者免奴。免奴謂免放為良人者變易

節上黃旄以赤。發御府金錢刀劍玉器采繒賞賜所

與遊戲者與從官官奴。夜飲湛沔於酒。詔太官上乘

輿食如故。食監奏未釋服未可御故食。復詔太官趣

具無關食監。太官不敢具。即使從官出買雞豚。詔殿

門內以為常。內入也獨夜設九賓溫室延見姊夫昌邑

關內侯。祖宗廟祠未舉。為璽書使使者持節以三太

牢祠昌邑哀王園廟。稱嗣子皇帝。受璽以來二十七

日。使者旁午。持節詔諸官署徵發凡一百二十

七事。文學光祿大夫夏侯勝等。及侍中傅嘉。數進諫。以過失。使人簿責勝。縛嘉繫獄。荒淫迷惑。失帝王禮誼。亂漢制度。臣敞等。數進諫不變。更日以益甚。恐危社稷。天下不安。臣敞等。謹與博士臣雋舍。雋姓舍名

也臣德臣虞舍臣射臣倉議。皆曰。高皇帝建功業。爲

漢太祖。孝文皇帝慈仁節儉。爲太宗。今陛下嗣孝昭皇帝後。行淫辟不軌。詩云。籍曰未知。亦旣抱子。五辟之屬。莫大不孝。周襄王不能事母。春秋曰。天王出居于鄭。繇不孝出之。絕之於天下也。宗廟重於君。陛下

未見命高廟。不可以承天序奉祖宗廟子萬姓。當廢
臣請有司御史大夫臣誼宗正臣德太常臣昌與太
祝。以一太牢具告祠高廟。臣敞等昧死以聞。

備書羣臣姓名足見非一人私。五代唐六臣傳書
臣蔚臣循連下數臣字慘於刀鋸之誅。然法實本
此。

臣孫臣節與下嬖臣宰劉公以驗之稽然武實本

謝舊學臣致各只具非一人沐正升尊六臣謝舊

跡以一大半具告國高祖臣始幸相承以聞

臣請臣同瞻史大夫臣始宗耳臣謝太常臣昌與太

未具命高祖不可以承天執奉獻宗廟千萬故當

張敞

字子高徙杜陵宣帝初敞爲山陽太守勃海膠東盜賊起自請治之到膠東國中遂平守京兆

尹敞以經術自輔其政往往表賢顯善不純用誅罰

論處霍氏書

宣帝親政山雲以過歸第霍氏親屬頗出補吏敞聞之。封事

臣聞公子季友有功於魯大夫趙衰有功於晉大夫田完有功於齊皆疇其官邑延及子孫終後田氏篡齊趙氏分晉季氏顓魯故仲尼作春秋述盛衰譏世卿最甚廼者大將軍決太計安宗廟定天下功亦不細矣夫周公七年耳而大將軍二十歲海內之命斷於掌握方其隆時感動天地侵迫陰陽月朏日蝕晝

冥宵光地大震裂火生地中天文失度妖祥變怪不可勝記皆陰類盛長臣下顓制之所生也朝臣宜有明言曰陛下褒寵故大將軍以報功德足矣間者輔臣顓政貴戚太盛君臣之分不明請罷霍氏三侯皆就第及衛將軍張安世宜賜几杖歸休時存問召見以列侯爲天子師明詔以恩不聽群臣以義固爭而後許天下必以陛下爲不忘功德而朝臣爲知禮霍氏世世無所患苦今朝廷不聞直聲而令明詔自親其文非策之得者也今兩侯以出人情不相遠以臣

心度之。大司馬及其枝屬。必有畏懼之心。夫近臣自
危。非完計也。臣敞願於廣朝。白發其端。直守遠郡。其
路無繇。夫心之精微。口不能言也。言之微眇。書不能
文也。故伊尹五就桀。五就湯。蕭相國薦淮陰。累歲乃
得通。況乎千里之外。因書文。諭事指哉。雖陛下省察。
全元功之世。厚中興之德。可謂能斷大事。廼以爲
任治。煩亂非師。傳之器非所望。有容於蕭傳哉。

路溫舒

字長君鉅鹿人父使牧羊溫舒取澤中蒲截以爲牒編用寫書守廷尉史遷臨淮太守治有異迹卒於官

尚德緩刑書

昌邑王廢宣帝初卽位溫舒上書

臣聞齊有無知之禍而桓公以興晉有驪姬之難而文公用伯近世趙王不終諸呂作亂而孝文爲太宗繇是觀之禍亂之作將以開聖人也故桓文扶微興壞尊文武之業澤加百姓功潤諸侯雖不及三王天下歸仁焉文帝永思至德以承天心崇仁義省刑罰通關梁一遠近敬賢如大賓愛民如赤子內恕情之

所安而施之於海內是以囹圄空虛天下太平夫繼
變化之後必有異舊之恩此賢聖所以昭天命也往
者昭帝卽世而無嗣大臣憂戚焦心合謀皆以昌邑
尊親援而立之然天不授命淫亂其心遂以自亾深
察禍變之故廼皇天之所以開至聖也故大將軍受
命武帝股肱漢國披肝膽決大計黜亡義立有德輔
天而行然後宗廟以安天下咸寧臣聞春秋正卽位
大一統而慎始也陛下初登至尊與天合符宜改前
世之失正始受命之統滌煩文除民疾存亾繼絕以

應天意臣聞秦有十失其一尚存治獄之吏是也秦之時羞文學好武勇賤仁義之士貴治獄之吏正言者謂之誹謗過過者謂之妖言故盛服先生不用於世忠良切言皆鬱於胸譽諛之聲日滿於耳虛美熏心實禍蔽塞此乃秦之所以亾天下也方今天下賴陛下恩厚亡金革之危饑寒之患父子夫妻勦力安家然太平未洽者獄亂之也夫獄者天下之大命也死者不可復生鬻者不可復屬書曰與其殺不辜寧失不經今治獄吏則不然上下相毆以刻爲明深者

獲公名平者多後患故治獄之吏皆欲人死非憎人也。自安之道在人死。是以死人之血流離於市被刑之徒比肩而立大辟之計歲以萬數此仁聖之所。以傷也。大平之未洽凡以此也。夫人情安則樂生痛則思死。捶楚之下何求而不得。故囚人不勝痛則飾辭以視之。吏治者利其然則指道以明之上奏畏卻則鍛鍊而周內之。蓋奏當之成。當謂處其罪也雖召繇聽之猶以爲死有餘辜。何則。成練者衆文致之罪明也。是以獄吏專爲深刻殘賊而亡極。媮爲一切不顧國患。

此世之大賊也。故俗語曰：畫地爲獄，議不入，刻木爲吏。期不對，此皆疾吏之風，悲痛之辭也。故天下之患，莫深於獄。敗法亂正，離親塞道，莫甚乎治獄之吏。此所謂一尚存者也。臣聞烏鳶之卵不毀而後鳳皇集，誹謗之罪不誅而後良言進。故古人有言：山藪臧疾，川澤納汙。瑾瑜匿惡，國君含詬。唯陛下除誹謗以招切言，開天下之口，廣箴諫之路，掃亾秦之失尊，文武之德，省法制，寬刑罰，以廢治獄，則太平之風可興於世，永履和樂，與天亡極，天下幸甚。

自安之道在人之外悚然可畏溫舒仁心內篤文
采外顯不大其用此爲惜已

蕭望之

字長倩東海人好學諸儒稱述焉爲太傅以論語禮服授皇太子及卽位望之與弘恭石顯忤飲鴆自殺上却食涕泣哀慟左右

滅匈奴對

五鳳中匈奴大亂議者多曰可因舉兵詔問望之計策

對曰春秋晉士匄帥師侵齊聞齊侯卒引師而還君子大其不伐喪以爲恩足以服孝子誼足以動諸侯前單于慕化鄉善稱弟遣使請求和親海內欣然夷狄莫不聞未終卒約不幸爲賊臣所殺今而伐之是乘亂而幸災也彼必奔走遠遁不以義動兵恐勞而無功宜遣使者弔問輔其微弱救其災患四夷聞之

漢書
成貴中國之仁義如遂蒙恩得復其位必稱臣服從
此德之盛也

太傅之文旨義嚴簡不爲游詞西漢之文未有如
其貴者也

趙克國

字翁孫隴西上邽人少學兵法通知四夷事

屯田奏

三上報曰後將軍言兵可期月而望謂今冬邪謂何時也

克國奏曰臣聞兵以計爲本故多算勝少算先零羌精兵今餘不過七八千人失地遠客分散飢凍罕開莫須又頗暴略其羸弱畜產畔還者不絕皆聞天子明令相捕所之賞臣愚以爲虜破壞明日月冀遠在來春故曰兵決可期月而望竊見北邊自敦煌至遼東萬一千五百餘里乘塞列隧有吏卒數千人虜數大衆攻之而不能害今留步士萬人屯田地執平易

多高山遠望之便。部曲相保爲塹壘木樵。樵與譙同。謂爲高樓。

以望敵也。校聯不絕。周禮校人掌王馬之政六廐。成校蓋用關械闌養馬也。便兵弩。

飭鬪具。燹火幸通。執及并力以逸待勞。兵之利者也。

臣愚以爲屯田內有亾費之利。外有守禦之備。騎兵

雖罷。虜見萬人。畱田爲必禽之具。其土崩歸德。宜不

久矣。從今盡三月。虜馬羸瘦。必不敢羈其妻子於它

種中。遠涉河山而來爲寇。又見屯田之士。精兵萬人。

終不敢復將其累重還歸故地。是臣之愚計。所以度

虜且必瓦解其處。各於其處。自瓦解。不戰而自破之冊也。至

於虜小寇盜時殺人民其原未可卒禁。臣聞戰不必
勝。不苟接刃。攻不必取。不苟勞衆。誠令兵出。雖不能
滅先零。豈能令虜絕不爲小寇。則出兵可也。卽今同
是而釋坐勝之道。從乘危之執。往終不見利。空內自
罷敝。貶重而自損。非所以視蠻夷也。又大兵一出。還
不可復畱。湟中亦未可空。如是繇役復發也。且匈奴
不可不備。烏桓不可不憂。今久轉運煩費。傾我不虞
之用。以澹一隅。臣愚以爲不便。校尉臨衆。幸得承威
德。奉厚幣。拊循衆羌。諭以明詔。宜皆鄉風。雖其前辭。

嘗曰、得亾效五年、宜亾它心、不足以故出兵、臣竊自
惟念、奉詔出塞、引軍遠擊、窮天子之精兵、散車甲於
山野、雖亾尺寸之功、媮得避嫌之便、而亾後咎餘責、
此人、臣不忠之利、非明主社稷之福也、臣幸得奮精
兵、討不義、久畱天誅、罪當萬死、陛下寬仁、未忍加誅、
令臣數得孰計、愚臣伏計孰甚、不敢避斧鉞之誅、味
死陳愚、唯陛下省察、

營平屯田諸策、兵數用度、時日程候、歷歷皆有、成
算此篇論其大勢、尤極慷慨、想見忠義之氣、

有司

單于朝禮議

目露二年匈奴呼韓禾單于款五原塞願朝三年正月詔有司議

聖王之制施德行禮先京師而後諸夏先諸夏而後夷狄。詩云率禮不越遂視既發相土烈烈海外有截。陛下聖德充率天地光被四海匈奴單于鄉風慕義舉國同心奉珍朝賀自古未之有也。單于非正朔所加王者所客也。禮儀宜如諸侯王稱臣昧死再拜位次諸侯王下。

孝武昭遠之功於是見矣。詩所謂貽厥孫謀愧者

也

貢禹

字少翁琅邪人明經絜行欲定漢宗廟迭毀之禮爲御史大夫卒

循古節儉疏

元帝初禹爲諫大夫數虛已問以政事天子納善其忠

古者宮室有制、宮女不過九人、秣馬不過八匹、牆塗而不凋、木摩而不刻、車輿器物皆不文畫、苑囿不過數十里、與民共之、任賢使能、什一而稅、亡它賦歛繇戍之役、使民歲不過三日、千里之內自給、千里之外各置貢職而已、言天子以畿內賦歛自供千里之外令其以時入貢不欲煩勞也故天下家給人足、頌聲並作、至高祖、孝文、孝景、皇帝、循古節儉、宮女不過十餘、廐馬百餘匹、孝文、皇帝、衣綈

履革器亡琨文金銀之飾後世爭爲奢侈轉轉益甚
臣下亦相放效衣服履絳刀劍亂於主上主上時臨
朝入廟衆人不能別異甚非其宜然非自知奢侈也
猶魯昭公曰吾何僭矣今大夫僭諸侯諸侯僭天子
天子過天道其日久矣承衰救亂矯復古化在於陛
下臣愚以爲盡如太古難宜少放古以自節焉論語
曰君子樂節禮樂方今宮室已定亡可奈何矣其餘
盡可減損故時齊三服官輸物不過十箇方今齊三
服官作工各數千人一歲費數鉅萬蜀廣漢主金銀

器歲各用五百萬三工官官費五千萬

三工官謂少府之屬官考

工室也右工室也東園匠也

東西織室亦然廐馬食粟將萬匹臣

禹嘗從之東宮見賜杯案盡文畫金銀飾非當所以
賜食臣下也東宮之費亦不可勝計天下之民所爲
大饑餓歿者是也今民大饑而歿歿又不葬爲犬豬
所食人至相食而廐馬食粟苦其大肥氣盛怒至乃
日步作之王者受命於天爲民父母固當若此乎天
不見邪武帝時又多取好女至數千人以填後宮
與寘及棄天下昭帝幼弱霍光專事不知禮正妄多臧

金、錢、財、物、鳥、獸、魚、鼈、牛、馬、虎、豹、生、禽、凡、百、九、十、物、盡、
瘞、臧、之、又、皆、以、後、宮、女、置、於、園、陵、大、失、禮、逆、天、心、又、
未、必、稱、武、帝、意、也、昭、帝、晏、駕、光、復、行、之、至、孝、宣、皇、帝、
時、陛、下、惡、有、所、言、群、臣、亦、隨、故、事、甚、可、痛、也、故、使、天、
下、承、化、取、女、皆、大、過、度、諸、侯、妻、妾、或、至、數、百、人、豪、富、
吏、民、畜、歌、者、至、數、十、人、是、以、內、多、怨、女、外、多、曠、夫、及、
衆、庶、葬、埋、皆、虛、地、上、以、實、地、下、其、過、自、上、生、皆、在、大、
臣、循、故、事、之、臯、也、唯、陛、下、深、察、古、道、從、其、儉、者、大、減、
損、乘、輿、服、御、器、物、三、分、去、二、子、產、多、少、有、命、審、察、後、

宮擇其賢者，畱二十人，餘悉歸之。及諸陵園女亡子者，宜悉遣，獨杜陵宮人數百，誠可哀憐也。廐馬可亡，過數十匹，獨舍長安城南苑地，以爲田獵之園。

舍置也，獨

畱置之

自城西南至山西至鶚，皆復其田，以與貧民。方

今天下饑饉，可亡大自損減，以救之，稱天意乎？天生聖人，蓋爲萬民，非獨使自娛樂而已也。故詩曰：天難諶斯，不易惟王。上帝臨女，毋貳爾心。當仁不讓，獨可以聖心參諸天地，揆之往古，不可與臣下議也。若其阿意順指，隨君上下，臣禹不勝拳拳不敢不盡愚心。

貢禹之文質樸近野然其委蛇處乃益不勝嫵媚

劉向

字子政，本名更生。元帝卽位，弘恭、石顯弄權，更生免官，遂廢十餘年。成帝時，乃復進用，更名向。是時王鳳秉政，向以外家日盛，上封書極諫，上數欲用爲九卿，輒不爲王氏及丞相御史所持。居列大夫前後三十餘年而卒。

條春秋災異封事

周堪爲光祿勳，張猛給事中，大見信任。更生見堪猛在位，幾已得進，懼其傾危，上封事諫。

臣前幸得以骨肉備九卿，奉法不謹，乃復蒙恩，竊見災異竝起，天地失常，徵表爲國，欲終不言。念忠臣雖在眚畝，猶不忘君，惓惓之義也。況重以骨肉之親，又加以舊恩未報乎？欲竭愚誠，又恐越職。然惟二恩未

報忠臣之義一行愚意，退就農畝，死無所恨。臣聞舜命九官，濟濟相讓，和之至也。衆賢和於朝，則萬物和於野。故簫韶九成，而鳳皇來儀；擊鐘拊石，百獸率舞；四海之內，靡不和寧。及至周文，開基西郊，雜遝衆賢，罔不肅和，崇推讓之風，以銷分爭之訟。文王既沒，周公思慕，歌詠文王之德。其詩曰：於穆清廟，肅雍顯相，濟濟多士，秉文王之德。當此之時，武王周公繼政，朝臣和於內，萬國驩於外，故盡得其驩心，以享其先祖。其詩曰：有來雍雍，至止肅肅，相維辟公，天子穆穆，言

四方皆以和來也。諸侯和於下，天應報於上。故周頌曰：降福穰穰。又曰：飴我釐麴。釐麴麥也。始自天降，此皆以和致和，獲天助也。下至幽厲之際，朝廷不和，轉相非怨。詩人疾而憂之，曰：民之無良，相怨一方。衆小在位而從邪議，歎歎相是而背君子。故其詩曰：歎歎訛訛，亦孔之哀。謀之其臧，則具是違；謀之不臧，則具是依。君子獨處守正，不撓衆枉，勉強以從王事，則反見憎毒讒慝。故其詩曰：密勿從事，不敢告勞，無罪無辜。讒口替替，當是之時，日月薄蝕而無光。其詩曰：朔

日辛卯，日有蝕之，亦孔之醜。又曰：彼月而微，此日而微。今此下民，亦孔之哀。又曰：日月鞠凶，不用其行。四國無政，不用其良。天變見於上，地變動於下，水泉沸騰，山谷易處。其詩曰：百川沸騰，山冢卒崩，高岸爲谷，深谷爲陵。哀今之人，胡惜莫懲。

卒盡也
惜曾也

霜降失節，不

以其時。其詩曰：正月繁霜，我心憂傷。民之訛言，亦孔之將。言民以是爲非，甚衆大也。此皆不和，賢不肖易位之所致也。自此之後，天下大亂，篡殺殃禍竝作，厲王奔彘，幽王見殺，至平王末年，魯隱之始卽位也。

周大夫祭伯乖離不和、出奔於魯、而春秋爲諱、不言來奔、傷其禍殃自此始也。是後尹氏世卿而專恣、諸侯皆畔而不朝、周室卑微、二百四十二年之間、日食三十六、地震五、山陵崩阨二、彗星三見、夜常星不見、夜中星隕如雨一、火災十四、長狄入三國、五石隕墜、六鵠退飛多麋有蜮蜚鸛鵒來巢者皆一見、晝冥晦、雨水冰、李梅冬實、七月霜降、草木不死、八月殺菽、大雨雹、雨雪霏霏、失序相乘、水旱飢餓、螽蟴蝻蝻、蝻午竝起、蝻午猶雜沓也諸侯奔走、不得保其社稷者、不可勝數也。周

室多禍。晉敗其師於貿戎。

成元年秋王師敗績於貿戎傳曰孰敗之蓋晉敗之

也。

伐其郊。

郊周邑晉人圍郊

鄭傷桓王。

鄭伯射王中肩

戎執其使。

隱七

年戎伐凡伯。

衛侯朔召不往。齊逆命而助朔。

桓十六年衛侯

于楚丘以歸。

朔出奔齊。天子

五大夫爭權。三君更立。莫能正理。

周景

召而不往也。

王崩。單穆公。劉文公。鞏簡公。甘平公。召莊公。此五大

夫相與爭奪。更立王子猛。子朝。及敬王。是為三君。

遂至陵夷。不能復興。由此觀之。和氣致祥。乖氣致異。

祥多者。其國安。異衆者。其國危。天地之常經。古今之

通義也。今陛下開三代之業。招文學之士。優游寬容。

使得並進。今賢不肖渾殽。白黑不分。邪正雜糅。忠讒

竝進、章交公車、人滿北軍、朝臣舛午、膠戾乖刺、更相
讒愬、轉相是非、傳授增加、文書紛糾、前後錯繆、毀譽
渾亂、所以營惑耳目、惑移心意、不可勝載、分曹爲黨、
往往羣朋、將同心以陷正臣、正臣進者、治之表也、正
臣陷者、亂之機也、乘治亂之機、未知孰任、而災異數
見、此臣所以寒心者也、夫乘權藉勢之人、子弟鱗集
於朝、羽翼陰附者衆、輻湊於前、毀譽將必用以終爭
離之咎、是以日月無光、雪霜夏隕、海水沸出、陵谷易
處、列星失行、皆怨氣之所致也、夫遵衰周之軌迹、循

詩人之所刺而欲以成太平致雅頌猶卻行而求及
前人也初元以來六年矣案春秋六年之中災異未
有稠如今者也夫有春秋之異無孔子之救猶不能
解紛況甚於春秋乎原其所以然者讒邪竝進也讒
邪之所以竝進者由上多疑心旣已用賢人而行善
政如或譖之則賢人退而善政還夫執狐疑之心者
來讒賊之口持不斷之意者開群枉之門讒邪進則
衆賢退群枉盛則正士消故易有否泰小人道長君
子道消君子道消則政日亂故爲否否者閉而亂也

君子道長。小人道消。小人道消。則政日治。故爲泰。泰者通而治也。詩又云。雨雪麋麋。見睨聿消。與易同義。昔者鯀共工驩兜。與舜禹雜處堯朝。周公與管蔡竝居周位。當是時。迭進相毀。流言相謗。豈可勝道哉。帝堯成王能賢舜禹。周公而消共工管蔡。故以大治。華至今。孔子與季孟偕仕於魯。李斯與叔孫俱宦於秦。通叔孫定公。始皇賢季孟。李斯而消孔子叔孫。故以大亂。汚辱至今。故治亂榮辱之端。在所信任。信任既賢。在於堅固。而不移。詩云。我心匪石。不可轉也。言守

善篤也。易曰：渙汗其大號。言號令如汗，汗出而不反者也。今出善令，未能踰時而反，是反汗也。用賢未能三旬而退，是轉石也。論語曰：見不善如探湯。今二府奏佞調不當，在位歷年而不去，故出令則如反汗，用賢則如轉石，去佞則如拔山。如此望陰陽之調，不亦難乎？是以群小窺見閭隙，緣飾文字，巧言醜詆，流言飛文，譁於民間。故詩云：憂心悄悄，慍于群小。小人成群，誠足慍也。昔孔子與顏淵、子貢更相稱譽，不爲朋黨。禹稷與皋陶，傳相汲引，不爲比周。何則？忠於爲國。

無邪心也。故賢人在上位，則引其類而聚之於朝；
曰飛龍在天，大人聚也；在下位，則思與其類俱進。易
曰拔茅茹，以其彙，征吉。在上，則引其類；在下，則推其
類。故湯用伊尹，不仁者遠而衆賢至；類相致也。今佞
邪與賢臣並，在交戟之內，合黨共謀，違善依惡，歛歛
訛訛，數設危險之言，欲以傾移主上，如忽然用之，此
天地之所以先戒災異之所以重至者也。自古明聖
未有無誅而治者也。故舜有四放之罰，而孔子有兩
觀之誅，然後聖化可得而行也。今以陛下明知，誠深

思天地之心。迹察兩觀之誅。覽否泰之卦。觀雨雪之
詩。歷周唐之所進。以爲法。原秦魯之所消。以爲戒。考
祥應之福。災異之禍。以揆當世之變。放遠佞邪之
黨。壞散險詖之聚。杜閉群枉之門。廣開衆正之路。決
斷狐疑。分別猶豫。使是非炳然可知。則百異消滅。而
衆祥並至。太平之基。萬世之利也。臣幸得託肺腑。附誠
見陰陽不調。不敢不通所聞。竊惟春秋災異。以效今
事。一條其所以不宜宣泄。臣謹重封昧死上。

廣引深辟語多微詞。忠臣之心則亦苦矣。卒於宣

洩怨毒轉增自非明主曷可忠言

謝建德制慶泰答疏

成帝起昌陵制牛不殺
建德歸廷慶陽上疏陳

是問易曰安不忘危存不忘亡是以身安而國家可

保也故賢聖之君博觀終始窮極事情而是非分明

上者必通三微明天命所授者博非獨一姓也孔子

言上必憂士有敢言者十者亡國故為人哉天命

斯然表轉辭自非明主曷可忠言亦苦矣卒於宣

劉向

諫延陵制度泰奢疏

成帝起昌陵數年不成復還歸延陵向上疏諫

臣聞易曰安不忘危存不忘亡是以身安而國家可保也故賢聖之君博觀終始窮極事情而是非分明王者必通三統明天命所授者博非獨一姓也孔子論詩至於殷士膚敏裸將于京喟然歎曰大哉天命善不可不傳于子孫是以富貴無常不如是則王公其何以戒慎民萌何以勸勉蓋傷微子之事周而痛殷之亡也雖有堯舜之聖不能化丹朱之子雖有禹

湯之德不能訓末孫之桀紂。自古及今。未有不亾之國也。昔高皇帝既滅秦。將都雒陽。感寤劉敬之言。自以德不及周而賢於秦。遂徙都關中。依周之德。因秦之阻。世之長短。以德爲効。故常戰栗不敢諱亾。孔子所謂富貴無常。蓋謂此也。孝文皇帝居霸陵北臨廁。意悽愴悲懷。顧謂群臣曰。嗟乎。以北山石爲槨。用紼絮斮陳漆其間。斮。斮也。陳。施也。絮。以漆著其間也。豈可動哉。張釋之進曰。使其中有可欲。雖錮南山。猶有隙。使其中無可欲。雖無石槨。又何感焉。夫死者無終極。而國家有廢。

興故釋之之言爲無窮計也。孝文寤焉，遂薄葬不起山墳。易曰：古之葬者，厚衣之以薪，臧之中野，不封不樹。後世聖人易之以棺槨，棺槨之作，自黃帝始。黃帝葬於橋山，堯葬濟陰，丘壠皆小，葬具甚微。舜葬蒼梧，二妃不從，禹葬會稽，不改其列。殷湯無葬處。文、武、周公葬於畢，秦穆公葬於雍橐泉宮祈年館下，櫟里子葬於武庫，皆無丘隴之處。此聖帝明王、賢君智士遠覽獨慮，無窮之計也。其賢臣孝子亦承命順意而薄葬之。此誠奉安君父、忠孝之至也。夫周公、武王弟也。

葬兄甚微。孔子葬母於防，稱古墓而不墳，曰丘東西
南北之人也，不可不識也。爲四尺墳，遇雨而崩，弟子
脩之，以告孔子。孔子流涕曰：吾聞之，古者不脩墓，蓋
非之也。延陵季子適齊而反，其子死，葬於贏博之間，
穿不及泉，歛以時服，封墳掩坎，其高可隱，而號曰骨
肉歸復於土，命也。魂氣而無不之也。夫贏博去吳千
有餘里，季子不歸葬。孔子往觀，曰：延陵季子於禮合
矣。故仲尼孝子，而延陵慈父。舜禹忠臣，周公弟弟，其
葬君親骨肉，皆微薄矣。非苟爲儉，誠便於體也。宋桓

司馬爲石槨仲尼曰不如速朽秦相呂不韋集智略之士而造春秋亦言薄葬之義皆明於事情者也逮至吳王闔閭違禮厚葬十有餘年越人發之及秦惠文武昭嚴襄五王皆大作丘隴多其瘞藏咸盡發掘暴露甚足悲也秦始皇帝塋於驪山之阿下錮三泉上崇山墳其高五十餘丈周回五里有餘石槨爲游館人膏爲燈燭水銀爲江海黃金爲鳬鴈珍寶之藏機械之變棺槨之麗宮館之盛不可勝原又多殺宮人生薶工匠計以萬數天下苦其役而反之驪山之

作未成而周章百萬之師至其下矣

周章陳勝之將

項籍燔

其宮室營宇往者咸見發掘其後牧兒亡羊羊入其
鑿牧者持火照求羊失火燒其臧櫛自古至今葬未
有盛如始皇者也數年之間外被項籍之災內離牧
豎之禍豈不哀哉是故德彌厚者葬彌薄知愈深者
葬愈微無德寡知其葬愈厚丘隴彌高宮廟甚麗發
掘必速由是觀之明暗之效葬之吉凶昭然可見矣
周德既衰而奢侈宣王賢而中興更爲儉宮室小寢
廟詩人美之斯干之詩是也上章道宮室之如制下

章言子孫之衆多也。及魯嚴公刻飾宗廟，多築臺囿，
後嗣再絕。春秋刺焉。周宣如彼而昌，魯秦如此而絕。
是則奢儉之得失也。陛下卽位，躬親節儉，始營初陵，
其制約小，天下莫不稱賢明。及徙昌陵，增埤爲高，積
土爲山，發民墳墓，積以萬數，營起邑居，期日迫卒，功
費大萬百餘。死者恨于下，生者愁於上，怨氣感動，陰
陽因之以饑饉，物故流離以十萬數。臣甚懼焉。愾古
閔字
以死者爲有知，發人之墓，其害多矣。若其無知，又安
用大謀之賢？知則不說，以示衆庶，則苦之。若苟以說

愚夫淫侈之人。又何爲哉。陛下慈仁篤美甚厚。聰明
疏達蓋世。宜弘漢家之德。崇劉氏之美。光昭五帝三
王。而顧與暴秦亂君。競爲奢侈。比方丘隴。說愚夫之
目。隆一時之觀。違賢智之心。亾萬世之安。臣竊爲陛
下羞之。唯陛下上覽明聖黃帝堯舜禹湯文武周公
仲尼之制。下觀賢知穆公延陵。樗里張釋之之意。孝
文皇帝去墳薄葬。以儉安神。可以爲則。秦昭始皇增
山厚臧。以侈生害。足以爲戒。初陵之撫。宜從公卿大
臣之議。撫音規以息衆庶。摹之摹

諫山陵從國之存亡發議譏防王氏之意隱然言

端

定禮樂疏

臣等謹將所奏
事具奏

則自因是說上宜典律氣說厚厚陳禮樂隆雅頌之
張盛興振之容以風化天下如此而不治者水之有
也或曰不能具禮禮以養人為本如有恩是也禮而

下流之難降下上覽明聖帝命亮錄禹湯文武周公
之訓下觀賢知穆公延陵博里靈耕之之意孝
皇帝去墳博葬以儉安神可以為嗣秦昭始暴增
絀以修生害足以為戒初陵之制宜從公卿大
臣山刻封園之制山幾篇刻王升之意

劉向

定禮樂疏

成帝時犍爲郡於水濱得古磬十六枚

劉向因是說上宜興辟雍設庠序陳禮樂隆雅頌之聲盛揖攘之容以風化天下如此而不治者未之有也或曰不能具禮禮以養人爲本如有過差是過而養人也刑罰之過或至死傷今之刑非皋陶之法也而有司請定法削則削筆則筆救時務也至於禮樂則曰不敢是敢於殺人不敢於養人也爲其俎豆筦弦之間小不備因是絕而不爲是去小不備而就大

不備大不備或莫甚焉。夫教化之比於刑法。刑法輕是舍所重而急所輕也。且教化所恃以爲治也。刑法所以助治也。今廢所恃而獨立其所助。非所以致太平也。自京師有諄逆不順之子孫。至於陷大辟受刑戮者。不絕繇不習五常之道也。夫承千歲之衰。周繼暴秦之餘。敝民漸漬惡俗。貪饕險詖。不閑義理。不示以大仁。而獨毆以刑罰。終已不改。故曰導之以禮樂而民和睦。初叔孫通將制定禮儀。見非於齊魯之上。然卒爲漢儒宗業垂後嗣。斯成法也。

匡衡

字稚圭東海人說詩解人願
建昭三年代韋玄成為丞相

政治得失疏

衡爲郎中是時有日食地震之變上問以政治得失

衡上疏曰臣聞五帝不同樂三王各異教民俗殊務所遇之時異也陛下躬聖德開太平之路閔愚吏民觸法抵禁比年大赦使百姓得改行自新天下幸甚臣竊見大赦之後姦邪不爲衰止今日大赦明日犯法相隨入獄此始導之未得其務也蓋保民者陳之以德義示之以好惡觀其失而制其宜故動之而和綏之而安今天下俗貪財賤義好聲色上侈靡廉耻

之節薄、淫辟之意縱、綱紀失序、疏者踰內、親戚之恩薄、婚姻之黨隆、苟合徼幸、以身設利、不改其原、雖歲赦之、刑猶難使錯而不用也。臣愚以爲宜壹曠然大變其俗。孔子曰：能以禮讓爲國乎？何有？朝廷者，天下之楨幹也。公卿大夫相與循禮恭讓，則民不爭。好仁樂施，則下不暴。上義高節，則民興行。寬柔和惠，則衆相愛。四者明王之所以不嚴而成化也。何者？朝有變色之言，則下有爭鬪之患。上有自專之士，則下有不讓之人。上有克勝之佐，則下有傷害之心。上有好利

之臣則下有盜竊之民此其本也。今俗吏之治皆不
本禮讓而上克暴或恃害好陷人於罪貪財而慕執
故犯法者衆姦邪不止雖嚴刑峻法猶不爲變此非
其天性有繇然也。臣竊考國風之詩周南召南被賢
聖之化深故篤於行而廉於色鄭伯好勇而國人暴
虎秦穆貴信而士多從死。秦穆公與羣臣飲酒酒酣
於是奄息仲陳夫人好巫而民淫祀。胡公夫人武王
行鍼虎許諾晉侯好儉而民畜聚。晉昭公不能修道以
好祭鬼神有鐘鼓不正其國有財不能用能以自樂。
太王躬仁邠國貴恕繇此觀之治天下者

審所上而已。今之僞薄伎害，不讓極矣。臣聞教化之流，非家至而人說之也。賢者在位，能者在職，朝廷崇禮，百僚敬讓，道德之行，繇內及外，自近者始，然後民知所法，遷善日進而不自知，是以百姓安，陰陽和，神靈應而嘉祥見。詩曰：商邑翼翼，四方之極。壽考且寧，以保我後生。此成湯所以建至治，保子孫，化異俗而懷鬼方也。今長安天子之都，親承聖化，然其習俗，無以異於遠方。郡國來者，無所法則，或見侈靡而放效之。此教化之原本，風俗之樞機，宜先正者也。臣聞天

人之際、精祲有以相盪也。祲氣善惡有以相推、作乎

下者、象動乎上。陰陽之理、各應其感。陰變則靜者動、

陽蔽則明者晦。水旱之災、隨類而至。今關東連年饑

饉、百姓乏困、或至相食、此皆生於賦歛多、民所共者

大、而吏安集之、不稱之效也。陛下祇畏天戒、哀閔元

元、大自減損、省甘泉、建章宮衛、罷珠崖、偃武行文、將

欲度唐虞之隆、絕殷周之衰也。諸見罷珠崖詔書者、

莫不欣欣、人自以將見太平也。宜遂減宮室之度、省

靡麗之飾、考制度、修外內、近忠正、遠巧佞、放鄭衛、進

雅頌、舉異材、開直言、任溫良之人、退刻薄之吏、顯潔
白之士、昭無欲之路、覽六藝之意、察上世之務、明自
然之道、博和睦之化、以崇至仁、匡失俗、易民視、令海
內昭然咸見本朝之所貴、道德弘於京師、淑問揚乎
疆外、然後大化可成、禮讓可興也、

時所當言無大恭顯舍爲支詞何望其當國有所
奏白也

匡衡

治性正家疏

傳昭儀及子定陶王薨幸寵於皇后太子衡上疏

臣聞治亂安危之機在乎審所用心。蓋受命之王務在創業垂統。傳之無窮。繼體之君心存于承宣先王之德而褒大其功。昔者成王之嗣位。思述文武之道以養其心。休烈盛美皆歸之二后而不敢專其名。是以上天歆享。鬼神祐焉。其詩曰。念我皇祖。陟降廷止。言成王常思祖考之業。而鬼神祐助其治也。陛下聖德天覆。子愛海內。然陰陽未和。姦邪未禁者。始論議

者未丕揚先帝之盛功、爭言制度不可用也、務變更之所更或不可行而復復之、是以羣下更相是非、吏民無所信、臣竊恨國家釋樂成之業而虛爲此紛紛也、願陛下詳覽統業之事、畱神於遵制揚功、以定羣下之心、大雅曰、無念爾祖、聿修厥德、孔子著之孝經首章、蓋至德之本也、傳曰、審好惡、理情性、而王道畢矣、能盡其性、然後能盡人物之性能、盡人物之性、可以贊天地之化、治性之道、必審已之所有餘、而強其所不足、蓋聰明疏通者、戒於大察、寡聞少見者、戒於

雍。蔽。勇。猛。剛。疆。者。戒。於。大。暴。仁。愛。溫。良。者。戒。於。無。斷。
湛。靜。安。舒。者。戒。於。後。時。廣。心。浩。大。者。戒。於。遺。忘。必。審。
已。之。所。當。戒。而。齊。之。以。義。然。後。中。和。之。化。應。而。巧。僞。
之。徒。不。敢。比。周。而。望。進。唯。陛。下。戒。所。以。崇。聖。德。臣。又。
聞。室。家。之。道。修。則。天。下。之。理。得。故。詩。始。國。風。禮。本。冠。
婚。始。乎。國。風。原。情。性。而。明。人。倫。也。本。乎。冠。婚。正。基。兆。
而。防。未。然。也。福。之。興。莫。不。本。乎。室。家。道。之。衰。莫。不。始。
乎。梱。內。故。聖。王。必。慎。妃。后。之。際。別。適。長。之。位。禮。之。於。
內。也。卑。不。踰。尊。新。不。先。故。所。以。統。人。情。而。理。陰。氣。也。

其尊適而卑庶也。適子冠乎阼。禮之用醴。

阼主階也。醴甘酒也。

貴於衆酒。

衆子不得與列。所以貴正體而明嫌疑也。非虛

加其禮文而已。乃中心與之殊異。故禮探其情而見之外也。聖人動靜游燕所親物得其序。得其序則海內自修。百姓從化。如當親者疏。當尊者卑。則佞巧之姦。因時而動。以亂國家。故聖人慎防其端。禁於未然。不以私恩害公義。陛下聖德純備。莫不修正。則天下無爲而治。詩云。于以四方。克定厥家。傳曰。正家而天下定矣。

有體有度

疏

有聲有實

匡衡

南北郊奏

成帝初
卽位

帝王之事莫大乎承天之序。承天之序莫重於郊祀。故聖王盡心極慮以建其制。祭天於南郊。就陽之義也。瘞地於北郊。卽陰之象也。天之於天子也。因其所都而各饗焉。往者孝武皇帝居甘泉宮。卽於雲陽立泰畤。祭於宮南。今行常幸長安郊。見皇天。反北之泰陰祠。后土反東之少陽事。與古制殊。又至雲陽行谿谷中。阨陝且百里。汾陰則渡大川。有風波舟楫之危。

皆非聖主所宜數乘郡縣治道共張吏民困苦百官
煩費勞所保之民行危險之地難以奉神靈而祈福
祐始未合於承天子民之意昔者周文武郊於豐鄘
成王郊於維維邑繇此觀之天隨王者所居而饗之可
見也甘泉泰畤河東后土之祠宜可徙置長安合於
古帝王願與羣臣議定

南北郊分合議無常主要之天隨王者所居而饗
之一語可爲萬世解惑

韋玄成

字少翁讓爵辟兄宣帝高其節永光中代于定國爲丞相遂繼父位封侯故國榮當世焉

罷郡國廟議

貢禹奏言郡國廟不應古禮下詔議

丞相玄成御史大夫鄭弘太子太傅嚴彭祖少府歐陽地餘諫大夫尹更始等七十人皆曰臣聞祭非自外至者也。繇中出生於心也。故唯聖人爲能饗帝。孝子爲能饗親。立廟京師之居。躬親承事。四海之內。各以其職來助祭。尊親之大義。五帝三王所共。不易之道也。詩云。有來雍雍。至止肅肅。相維辟公。天子穆穆。春秋之義。父不祭於支。庶之宅。君不祭於臣。僕之家。

王不祭於下士諸侯臣等愚以爲宗廟在郡國宜無修臣請勿復修

漢世廟議紛然不定然外廟宜毀愚者能明此議
援經引義篤雅極矣

翼奉

字少君東海人好律歷陰陽之
占爲博士諫大夫年老以壽終

再奏封事

元帝卽位災異連年不
息因赦天下舉直言

奉奏封事曰臣聞之於師曰天地設位懸日月布星
辰分陰陽定四時列五行以視聖人名之曰道聖人
見道然後知王治之象故畫州土建君臣立律歷陳
成敗以視賢者名之曰經賢者見經然後知人道之
務則詩書易春秋禮樂是也易有陰陽詩有五際
傳曰五際卯酉午戌亥也陰陽終始
際會之歲於此則有變改之政也春秋有災異皆
列終始推得失考天心以言王道之安危至秦乃不

漢書

奏

說傷之以法、是以大道不通、至於滅亡、今陛下明聖、深懷要道、燭臨萬方、布德流惠、靡有闕遺、罷省不急之用、振救困貧、賦醫藥、賜棺錢、恩澤甚厚、又舉直言求過失、盛德純備、天下幸甚、臣奉竊學齊詩、聞五際之要、十月之交篇、知日蝕地震之效、昭然可明、猶巢居知風、穴處知雨、亦不足多、適所習耳、臣聞人氣內逆、則感動天地、天變見於星氣、日蝕地變見於奇物、震動所以然者、陽用其精、陰用其形、猶人之有五藏、六體、五藏象天、六體象地、故藏病則氣色發於面、體

病則欠申動於貌。今年太陰建於甲戌律以庚寅初

用事。歷以甲午從春。

太陰在甲戌則太歲在子十一月庚寅日黃鍾律初起用事也

歷中甲庚律得參陽性中仁義情得公正貞廉

甲庚皆三

陽甲在東方為仁庚在西方為義戌為公正寅午為廉貞

百年之精歲也正以精

歲本首王位

也春

日臨終時接律而地大震其後連月

久陰雖有大令猶不能復

大令謂虛倉廩開府庫之屬

陰氣盛矣

古者朝廷必有同姓以明親親必有異姓以明賢賢

此聖王之所以大通天下也同姓親而易進異姓疏

而難通故同姓一異姓五廼為平均今左右亡同姓

獨以舅后之家爲親。異姓之臣又疏。二后之黨滿朝。非特處位執尤奢僭過度。呂霍上官。足以下之。甚非愛人之道。又非後嗣之長策也。陰氣之盛。不亦宜乎。臣又聞未央建章甘泉宮才人各以百數。皆不得天性。若杜陵園。其已御見者。臣子不敢有言。雖然。太皇太后之事也。及諸侯王園。與其後宮。宜爲設員。出其過制者。此損陰氣。應天救邪之道也。今異至不應災。將隨之。其法大水極陰生陽。反爲大旱。甚則有火災。春秋宋伯姬是矣。

伯姬幽居守寡既久而唯陛下財遇火災極陰生陽也

察

奉明六情十二律其說切近著明非鉤索傳會者
流此書舉人身象天地義理醇正備至者矣

帝此書舉人良舉天此葬既輶五齡至香矣
奉明六齡十二齡其銷財改著明非此索轉合去

祭

谷永

說上距絕祭祀方術

成帝末年頗好鬼神亦以無繼嗣故多上書言祭祀

方術者

臣聞明於天地之性不可惑以神怪知萬物之情不可罔以非類諸背仁義之正道不遵五經之法言而盛稱奇怪鬼神廣崇祭祀之方求報無福之祠及言世有僊人服食不終之藥這與輕舉

遙古遙字也與起也謂起而遠

去也登遐倒景

在日月之上及從下照故其景倒

覽觀縣圖浮游蓬萊

崑崙九成上有縣圃

耕耘五德朝種暮穫

翼氏風角五德東方甲南方丙西方庚北

方王中央戊種五色禾於此地而耕耘也與山石無極。黃冶變化。黃者鑄黃金也

堅水淖溺。

方士詐以藥石若陷水丸投之水上水即消

化色五倉之術者

皆姦人惑衆。挾左道懷詐僞以欺罔世主。聽其言。洋

洋滿耳。若將可遇。求之盪盪。如係風捕景。終不可得。

是以明王距而不聽。聖人絕而不語。昔周史萇弘欲

以鬼神之術。輔尊靈王。會朝諸侯。而周室愈微。諸侯

愈叛。楚懷王隆祭祀。事鬼神。欲以獲福。助郤秦師。而

兵挫地削。身辱國危。秦始皇初并天下。甘心於神僊

之道。遣徐福韓終之屬。多齎童男。童女。入海求神采。

樂因逃不還。天下怨恨。漢興。新垣平齊人。少翁公孫卿樂大等。皆以僊人黃冶祭祠事鬼。使物入海求僊采藥貴幸。賞賜累千金。大尤尊盛。至妻公主。爵位重。系震動海內。元鼎元封之際。燕齊之間。方士填目梲。擲言有神僊祭祀致福之術者。以萬數。其後平等皆以術窮詐得誅。夷伏辜。至初元中。有天淵玉女鉅鹿神人。轅陽侯師張宗之姦。紛紛復起。夫周秦之末。三五之隆。已嘗專意散財。厚爵祿。竦精神。舉天下以求之矣。曠日經年。靡有毫釐之益。足以揆今。經曰。享多

儀儀不及物。惟曰不享。論語說曰。子不語怪神。唯陛下距絕此類。毋令姦人有以窺用者。

先論其理後實以事最易通曉

谷永

諫上微行

成帝好爲微行。選從期門郎有材力者及私奴客入市里郊野。遠至旁縣。

王音劉向等數以切諫。

谷永曰。易稱得臣無家。言王者臣天下。無私家也。今陛下棄萬乘之至貴。樂家人之賤事。厭高美之尊稱。好匹夫之卑字。崇聚票輕無誼之人。以爲私客。置私田於民間。畜私奴車馬於北宮。數去南面之尊。離深宮之固。挺身獨與小人晨夜相隨。烏集醉飽吏民之家。亂服共坐。溷肴亡別。閔勉遯樂。晝夜在路。典門戶。

奉宿衛之臣。執干戈守空宮。公卿百寮不知陛下所
在。積數年矣。昔虢公爲無道。有神降曰。賜爾土田。言
將以庶人受土田也。諸侯夢得土田爲失國祥。而況
王者畜私田財物爲庶人之事乎。

天子自去其尊。所謂白龍魚服者也。志故曰。周景
王時。大夫賓起見雄雞。自斷其尾。劉向以爲近雞
旤。

谷永

訟陳湯疏

湯矯制捕斬郅支單于後湯上書言
康居王侍子非王子按驗實王子也

湯下獄
當死

太中大夫谷永上疏訟湯曰臣聞楚有子玉得臣文
公爲之仄席而坐趙有廉頗馬服彊秦不敢窺兵井
陘近漢有郅都魏尚匈奴不敢南鄉沙幕由是言之
戰克之將國之爪牙不可不重也蓋君子聞鼓鼙之
聲則思將率之臣竊見關內侯陳湯前使副西域都
護忿郅支之無道閔王誅之不加策慮億義勇奮

發。幅億憤怒之貌

卒與師奔逝、橫厲烏孫、踰集都賴、屠三重城、斬郅支首、報十年之逋誅、雪邊吏之宿耻、威震百蠻、武暢西海、漢元以來征伐方外之將、未嘗有也、今湯坐言事非是、幽囚久繫、歷時不決、執憲之吏欲致之大辟、昔白起爲秦將、南拔郢都、北阬趙括、以纖介之過、賜死杜郵、秦民憐之、莫不隕涕、今湯親秉鉞席卷、喋血萬里之外、薦功祖廟、告類上帝、介冑之士靡不慕義、以言事爲罪、無赫赫之惡、周書曰、記人之功、忘人之過、宜爲君者也、夫犬馬有勞於人、尚加帷蓋

之報。況國之功臣者哉。竊恐陛下忽於鼓鼙之聲。不
察周書之意。而忘帷蓋之施。庸臣遇湯。幸從吏議。使
百姓介然有秦民之恨。非所以厲死難之臣也。

湯之功。劉向訟之于前。耿育理之于後。阨于妬臣。
廢于庸主。傷已。

公孫龍子公孫敖

字子孫敖，河內人。父敖，字子孫敖，河內人。父敖，字子孫敖，河內人。

公孫敖，字子孫敖，河內人。父敖，字子孫敖，河內人。父敖，字子孫敖，河內人。

公孫敖，字子孫敖，河內人。父敖，字子孫敖，河內人。父敖，字子孫敖，河內人。

公孫敖，字子孫敖，河內人。父敖，字子孫敖，河內人。父敖，字子孫敖，河內人。

師丹

字仲公琅邪人成帝末年立定陶王爲太子以丹爲太子太傅哀帝卽位爲大司馬大司空

定陶共王議

冷褒段猶言共皇太后宜立廟京師丹議曰

議曰聖王制禮取法於天地故尊卑之禮明則人倫之序正人倫之序正則乾坤得其位而陰陽順其節人主與萬民俱蒙祐福尊卑者所以正天地之位不可亂也今定陶共皇太后共皇后以定陶共皇爲號者母從子妻從夫之義也欲立官置吏車服與太皇太后並非所以明尊卑亡二上之義也定陶共皇號謚已前定義不得復改禮父爲士子爲天子祭以天

子其尸服以士服。子亡爵父之義。尊父母也。爲人後者爲之子。故爲所後服斬衰三年而降其父母朞。明尊本祖而重正統也。孝成皇帝聖恩深遠。故爲共王立後。奉承祭祀。令共皇長爲一國太祖。萬世不毀。恩義已備。陛下旣繼體先帝。特重太宗。承宗廟天地社稷之祀。義不得復奉定陶共皇祭入其廟。今欲立廟於京師。而使臣下祭之。是亡主也。又親盡當毀。空去一國奉祖不墮之祀。而祚無主。當毀不正之體。非所以尊厚共皇也。

此繼統議禮之始遂居後來正人之首

上古虞夏集于廷

言平仁言

大是之氣以類相應蓋古人君建極而善建者則立
而國示聲故月令以祀氣似教高宗雖維之其以則
言平仁言言平仁言言平仁言言平仁言言平仁言

以出繼於辯斷之故後世紛來五人之首

王音

上言飛雉集于廷

鴻嘉二年三月博士行大射禮有飛雉集于廷登堂而雉

車騎將軍王

音等上言

天地之氣以類相應。譴告人君甚微而著。雉者聽察先聞雷聲。故月令以紀氣。經載高宗雉之異。以明轉禍爲福之驗。今雉以博士行禮之日。大衆聚會。飛集于庭。歷階登堂。萬衆睢睢。驚怪連日。經歷三公之府。太常宗正典宗廟骨肉之官。然後入宮。其宿畱告曉人具備深切。雖人道相戒。何以過是。

引據經典不爲傳會學識在董劉之上矣

王音

對中常侍鼂闕詔

帝使詔音曰聞捕得雉毛羽
頗摧折類拘執者得無人爲
之

音復對曰陛下安得亾國之語。不知誰主爲佞譎之
計。誣亂聖德如此者。左右阿諛甚衆。不待臣音復譏
而足。公卿以下。保位自守。莫有正言。如今陛下覺悟。
懼大禍且至身。深責臣下。繩以聖法。臣音當先受誅。
豈有以自解哉。今卽位十五年。繼嗣不立。日日駕車
而出。洸行流聞。海內傳之。甚於京師。外有微行之害。

內有疾病之憂。皇天數見災異。欲人變更。終已不改。
天尚不能感動陛下。臣子何望。獨有極言待死。命在
朝暮而已。如有不然。老母安得處所。尚何皇太后之
有。高祖天下。當以誰屬乎。不然者。謂不如所諫而自
修。改也。言帝不自修。改國。
家危。太后不知處所。宜謀於賢。知克已復禮。以求天意。繼嗣
可立。災變尚可銷也。

漢人言克已復禮。生活飛動。與宋儒言正心誠意。
木闕板腐。自然不同也。

翟方進

字子威汝南人年十二三失父孤後母憐其幼隨之長安織屨以給方進讀永始二年擢為丞相峻文深詆中傷者尤多

奏紅陽侯立黨左

皇太后姊子淳于長有罪遣就國立上封事為長求置後張陰事發遂下獄方進劾立

立素行積為不善衆人所共知邪臣自結附託為黨庶幾立與政事欲獲其利今立斥逐就國所交結尤著者不宜備大臣為郡守案後將軍朱博鉅鹿太守孫闓故光祿大夫陳咸與立交通厚善相與為腹心有背公成黨之信欲相攀援成而後已皆內有不仁

漢書

奏

之性而外有雋材過絕於人勇猛果敢處事不疑所
居皆尚殘賊酷虐苛刻慘毒以立威而亡纖介愛利
之風天下所共知愚者猶惑孔子曰人而不仁如禮
何人而不仁如樂何言不仁之人亡所施用不仁而
多材國之患也此三人皆內懷姦猾國之所患而深
相與結信于貴戚姦臣此國家大憂大臣所宜沒身
而爭也昔季孫行父有言曰見有善於君者憂之若
孝子之養父母也見不善者誅之若鷹鷂之逐鳥爵
也翅翼雖傷不避也貴戚彊黨之衆誠難犯犯之衆

平當

雅樂議

成帝時謁者常山王禹世受河間雅樂能說其議弟子宋畢上書言之下博士

平當
考試

漢承秦滅道之後賴先帝聖德博受兼聽修廢官立太學河間獻王聘求幽隱修興雅樂以助化時大儒公孫弘董仲舒等皆以爲音中正雅立之大樂春秋鄉射作於學宮希闊不講故自公卿大夫觀聽者但聞鏗鎗不曉其意而欲以風諭衆庶其道無由是以行之百有餘年德化至今未成今畢等守習孤學大

指歸於興助教化衰微之學興廢在人宜領屬雅樂
以繼絕表微孔子曰人能弘道非道弘人河間區區
小國藩臣以好學修古能有所存民到于今稱之况
於聖主廣被之資修起舊文放鄭近雅述而不作信
而好古於以風示海內揚名後世誠非小功小美也
平當之說已是膚談公卿又以爲久遠難分明議
寢憲王之樂卒于無傳矣

賈讓

治河策

哀帝初平當使領河隄奏按經義治水有決河深川而無隄防壅塞之文宣博求能浚川疏河者賈讓奏言

治河有上中下策古者立國居民疆理土地必遺川澤之分度水埶所不及遺留也大川無防水得入

障卑下以爲汙澤使秋水多得有所休息左右游波寬緩而不迫夫土之有川猶人之有口也治土而防其川猶止兒啼而塞其口豈不遽止然其死可立而待也故曰善爲川者決之使道善爲民者宣之使言

蓋隄防之作近起戰國。雍防百川各以自利。齊與趙
魏以河爲竟。趙魏瀕山。齊地卑下。作隄去河二十五
里。河水東抵齊隄。則西泛。趙魏。趙魏亦爲隄。去河二
十五里。雖非真正。水尚有所遊盪。時至而去。則填淤
肥美。民耕田之。或久無害。稍築室宅。遂成聚落。大水
時至。漂沒則更起。隄防以自救。稍去其城郭。排水澤
而居之。湛溺自其宜也。今隄防陋者。去水數百步。遠
者數里。近黎陽南故大金隄。從河西西北行至西山
南頭。廼折東。與東山相屬。民居金隄東。爲廬舍。住十

餘歲更起隄、從東山南頭直南與大故隄會、又內黃界中有澤方數十里、環之有隄、往十餘歲、太守以賦民、民今起廬舍其中、此臣親所見者也、東郡白馬故大隄、亦復數重、民皆居其間、從黎陽北盡魏界、故大隄去河遠者數十里、內亦數重、此皆前世所排也、河從河內北至黎陽爲石隄、激使東抵東郡平剛、又爲石隄、使西北抵黎陽觀下、又爲石隄、使東北抵東郡津北、又爲石隄、使西北抵魏郡昭陽、又爲石隄、激使東北、百餘里間、河再西、三東迫院如此、不得安息、今

行上策。徙冀州之民。當水衝者。決黎陽。遮害亭。放河。使北入海。河西薄大山。東薄金隄。執不能遠泛濫。暮月自定。難者將曰。若如此。敗壞城郭。田廬冢墓。以萬數。百姓怨恨。昔大禹治水。山陵當路者。毀之。故鑿龍門。辟伊闕。析底柱。破碣石。墮斷天地之性。此廼人功。所造何足言也。今瀕河十郡治隄。歲費且萬萬。及其大決。所殘無數。如出數年治河之費。以業所徙之民。遵古聖之法。定山川之位。使神人各處其所。而不相奸。且以大漢方制。萬里。豈其與水爭咫尺之地哉。此。

功一立。河定。民安。千載無患。故謂之上策。若廼多穿
漕渠於冀州地。使民得以溉田。分殺水怒。雖非聖人
法。然亦救敗術也。難者將曰。河水高於平地。歲增隄
防。猶尚決溢。不可以開渠。臣竊按視遮害亭西十八
里至淇水口。廼有金隄高一丈。自是東地稍下。隄稍
高。至遮害亭。高四五丈。往五六歲。河水大盛。增丈七
尺。壞黎陽南郭門。入至隄下。水未踰隄二尺所。從隄
上北望。河高出民屋。百姓皆走上山。水畱十三日。隄
潰二所。吏民塞之。臣循隄上行。視水執南七十餘里。

至淇口、水適至隄半、計出地上五尺所、今可從淇口以東、爲石隄、多張水門、初元中、遮害亭下河去隄足數十步、至今四十餘歲、適至隄足、由是言之、其地堅矣、恐議者疑河大川難禁制、滎陽漕渠足以卜之、其水門但用木與土耳、今據堅地作石隄、執必完安、冀州渠首、盡當卽此水門、治渠非穿地也、但爲東方一隄、北行三百餘里、入漳水中、其西因山足高地、諸渠皆往往股行取之、旱則開東方下水門、溉冀州、水則開西方高門、分河流、通渠有三利、不通有三害、民常

罷於救水。半失作業。水行地上。湊潤上徹。民則病涇。
氣。木皆立枯。鹵不生穀。決溢有敗。爲魚鼈食。此三害
也。若有渠溉。則鹽鹵下隰。填淤加肥。故種禾麥更爲
秔稻。高田五倍。下田十倍。轉漕舟船之便。此三利也。
今瀕河隄吏卒郡數千人。伐買薪石之費。歲數千萬。
足以通渠成水門。又民利其溉灌。相率治渠。雖勞不
罷。民田適治。河隄亦成。此誠富國安民興利除害。支
數百歲故。謂之中策。若廼繕完故隄。增卑倍薄。勞費
無已。數逢其害。此最下策也。

此文不獨爲千古治河石畫其實治民之道馭虜
之方盡於中矣

李尋

字子長平陵人治尚書好洪範災異又學天文月令陰陽

災異對

哀帝初卽位召尋待詔黃門使侍中衛尉傅喜問尋曰間者水出地動日月失度星辰亂行災異仍重極言毋有所諱

陛下聖德尊天敬地畏命重民悼懼變異不忘疏賤之臣幸使重臣臨問愚臣不足以奉明詔竊見陛下新卽位開大明除忌諱博延名士靡不並進臣尋位卑術淺過隨衆賢待詔食太官衣御府久汚玉堂之署比得召見無以自效復時見延問至誠自以逢不世出之命願竭愚心不敢有所避庶幾萬分有一可

采唯棄須臾之間。宿留瞽言。考之文理。稽之五經。揆之聖意。以參天心。夫變異之來。各應象而。臣謹條陳所聞。易曰。縣象著明。莫大乎日月。夫日者。衆陽之長。輝光所燭。萬里同晷。人君之表也。故日將旦。清風發。群陰伏。君以臨朝。不牽於色。日初出。炎以陽。君登朝。佞不行。忠直進。不蔽障。日中。輝光。君德盛明。大臣奉公。日將入。專以壹。君就房。有常節。君不修道。則日失其度。晻昧亡光。各有云爲。其於東方作。日初出時。陰雲邪氣起者。法爲牽於女謁。有所畏難。日出後。爲

近臣亂政日中。爲大臣欺誣日且入。爲妻妾役使所
營。閒者日尤不精。光明侵奪失色。邪氣珥蜺數作。本
起於晨。相連至昏。其日出後至日中。閒差瘡。小臣不
知。內事竊以日視陛下。志操衰於始。初多矣。其咎恐
有以守正直言而得罪者。傷嗣害世。不可不慎也。唯
陛下執乾剛之德。強志守度。毋聽女謁。邪臣之態。諸
保阿乳母甘言悲詞之托。斷而勿聽。勉強大誼。絕小
不忍。良有不得已。可賜以貨財。不可私以官位。誠皇
天之禁也。日失其光。則星辰放流。陽不能制陰。陰桀

得作閒者太白正晝經天宜隆德克躬以執不軌臣
聞月者衆陰之長消息見伏百里爲品千里表萬
里連紀妃后大臣諸侯之象也朔晦正終始弦爲繩
墨望成君德春夏南秋冬北閒者月數以春夏與日
同道過軒轅上后受氣入太微帝廷揚光輝犯上將
近臣列星皆失色厭厭如滅此爲母后與政亂朝陰
陽俱傷兩不相便外臣不知朝事竊信天文卽如此
近臣亦不足杖矣屋大柱小可爲寒心唯陛下親求
賢士無強所惡以崇社稷尊強本朝臣聞五星者五

行之精、五帝司命、應王者號令、為之節度、歲星主星

事為統首、號令所紀、今失度而盛、此君指意欲有所

為、未得其節也、又填星不避歲星者、后帝共政、相留

於奎婁、歲星為帝填星為女主當以義斷之、熒惑往來亡常、周

歷兩宮、作態低昂、兩宮謂紫微太微入天門、上明堂、貫尾亂

宮、角兩星為天門房為明堂尾為後宮太白發越犯庫、發越疾貌也庫天庫也兵

寇之應也、貫黃龍入帝庭、黃龍軒轅也當門而出、隨熒惑

入天門、至房而分、欲與熒惑為患、不敢當明堂之精、

此陛下神靈、故禍亂不成也、熒惑厥弛、厥弛動搖貌佞巧

依執微言毀譽進類蔽善太白出端門端門太微正南門臣

有不臣者火入室金上堂火入室謂熒惑歷兩宮也金謂太白也堂入房星也

也以時解其憂凶填歲相守又主內亂宜察蕭牆之

內毋忽親疏之微誅放佞人防絕萌芽以盪滌濁濺

消散積惡母使得成禍亂辰星主政四時當效於四

仲四時失序則辰星作異今出於歲首之孟天所以

譴告陛下也政急則出蚤政緩則出晚政絕不行則

伏不見而爲彗茀四孟皆出爲易王命四季皆出星

家所諱今幸獨出寅孟之月蓋皇天所以篤右陛下

也。宜深自收。治國故不可以戚戚。欲速則不達。經曰。三載考績。三考黜陟。加以號令。不順四時。既往不咎。來事之師也。閒者春三月治大獄。時賊陰立逆。恐歲小收。季夏舉兵法。時寒氣應。恐後有雹之災。秋月行封爵。其月土溼。奧恐後有雷雹之變。夫以喜怒賞罰。而不顧時禁。雖有堯舜之心。猶不能致和。善言天者。必有效於人。設上農夫而欲冬田。肉袒深耕。汗出種之。然猶不生者。非人心不至。天時不得也。易曰。時止則止。時行則行。動靜不失其時。其道光明。書曰。敬

授民時、故古之王者、尊天地、重陰陽、敬四時、嚴月令、
順之以善政、則和氣可立、致、猶枹鼓之相應也、今朝
廷忽於時月之令、諸侍中尚書近臣宜皆、
知月
令之意、設羣下請事、若陛下出令、有謬於時者、當知
爭之以順時氣、臣聞五行以水爲本、其星玄武婺女、
天地所紀、終始所生、水爲準平、王道公正脩明、則百
川理、落脈通、偏黨失綱、則踊溢爲敗、書云、水曰潤下、
陰動而卑、不失其道、天下有道、則河出圖、洛出書、故
河洛決溢、所爲最大、今汝潁獻澮皆出水、漂踊與雨

水並爲民害、此詩所謂燁燁震電、不寧不令、百川沸騰者也、其咎在於皇甫卿士之屬、唯陛下留意、詩人之言、少抑外親、大臣、臣聞地道柔靜、陰之常義也、地有上中下、其上位震、應后妃不順、中位應大臣作亂、下位應庶民離畔、震或於其國、國君之咎也、四方中央連、國歷州俱動者、其異最大、閒者關東地數震、五星作異、亦未大逆、宜務崇陽抑陰、以救其咎、固志建威、閉絕私路、拔進英雋、退不任職、以強本朝、夫本強則精神折衝、本弱則招殃致凶、爲邪謀所陵、聞往者

淮南王作謀之時其所難者獨有汲黯以爲公孫弘等不足言也弘漢之名相於今亡比而尚見輕何況亡弘之屬乎故曰朝廷無人則爲賊亂所輕其道自然也天下未聞陛下奇策固守之臣也語曰何以知朝廷之衰人人自賢不務於通人故世陵夷馬不伏歷不可以趨道士不素養不可以重國詩曰濟濟多士文王以寧孔子曰十室之邑必有忠信非虛言也陛下乘四海之衆曾亡柱幹之固守聞於四境殆開之不廣取之不明勸之不篤傳曰土之美者善養禾

君之明者善養士中人皆可使爲君子詔書進賢良
赦小過無求備以博聚英雋如近世貢禹以言事忠
切蒙尊榮當此之時士厲身立名者多禹死之後日
日以衰及京兆尹主章坐言事誅滅智者結舌邪僞
並興外戚顓命君臣隔塞至絕繼嗣女宮作亂此行
事之敗誠可畏而悲也本在積任母后之家非一日
之漸往者不可及來者猶可追也先帝大聖深見天
意昭然使陛下奉承天統欲矯正之也宜少抑外親
選練左右舉有德行道術通明之士充備天官然後

可以輔聖德、保帝位、承大宗、下至郎吏從官、行能亡
以異、又不通一藝、及博士無文雅者、宜皆使就南畝、
以視天下明朝廷皆賢材君子、於以重朝尊君、滅凶
致安、此其本也、臣自知所言害身、不避死亡之誅、唯
財留神、反覆愚臣之言、

持論周匝發於忠憤亦經術之有用者惜乎不究

其意

王嘉

遣將行邊對

息夫躬建言往年熒惑守心太白高而芒光又角星弗於河鼓其法

爲有兵亂可遣大將軍行邊兵敕武備斬一郡守以立威震四夷因

以厭應天變上以問丞相

丞相嘉對曰臣聞動民以行不以言應天以實不以

文下民微細猶不可詐況於上天神明而可欺哉天

之見異所以敕戒人君欲令覺悟反正推誠行善民

心說而天意得矣辯士見一端或妄以意傳著星歷

傳讀曰附著音治略反虛造匈奴烏孫西羌之難謀動干戈設

莫書對

爲權變。非應天之道也。守相有臯。

郡守諸侯相

車馳詣闕。

交臂就死。恐懼如此。而談說者云動安之危。

之往也言搖動

安全之計往就危殆也

辯口快耳。其實未可從。夫議政者。苦其

譎諛。傾險。辯慧深刻也。譎諛則主德毀。傾險則下怨

恨。辯慧則破正道。深刻則傷恩惠。昔秦繆公不從百

里奚蹇叔之言。以敗其師。悔過自責。疾誅誤之臣。思

貞髮之言。名垂於後世。唯陛下觀覽古戒。反覆參考。

無以先入之語爲主。

出語如經。可繫伊訓。說命之間。

王嘉

字公仲平陵人建平三年代平當爲丞相嘉爲人剛直嚴毅有威重上甚敬之

請重二千石

哀帝初立欲匡成帝之政多所變動

嘉上疏曰臣聞聖王之功在於得人孔子曰材難不其然與故繼世立諸侯象賢也雖不能盡賢太子爲擇臣立命卿以輔之居是國也累世尊重然後士民之衆附焉是以教化行而治功立今之郡守重於古諸侯往者致選賢材賢材難得拔擢可用者或起于囚徒昔魏尚坐事繫文帝感馮唐之言遣使持節赦其罪拜爲雲中太守匈奴忌之武帝擢韓安國于徒

中拜爲梁內史。骨肉以安。

言梁孝王得免罪也。

張敞爲京兆尹。

有罪當免。黠吏知而犯敞。敞收殺之。其家自寃。使者覆獄。劾敞賊殺人。上逮捕。不下。會免亡命。數十日。宣

帝徵敞以爲冀州刺史。卒獲其用。前世非私此三人。貪其材器。有益於公家也。孝文時。吏居官者。或長子孫以官爲氏。倉氏庫氏。則倉庫吏之後也。其二千石長吏亦安官樂職。然後上下相望。莫有苟且之意。其後稍稍變易。公卿以下。傳相促急。又數改更政事。司隸部刺史察過。悉劾發揚陰私。吏或居官數月而退。

送故迎新。交錯道路。中材苟容求全。下材懷危內顧。
壹切營私者多。二千石益輕賤。吏民慢易之。或持其
微過。增加成罪。言於刺史司隸。或至上書章下。衆庶
知其易危。小失意。則有離畔之心。前山陽亡徒蘇令
等從橫。吏士臨難莫肯伏節死義。以守相威權素奪
也。孝成皇帝悔之。下詔書二千石不爲縱。遣使者賜
金尉厚其意。誠以爲國家有急。取辨於二千石。二千
石尊重難危。乃能使下。孝宣皇帝愛其良民吏。良民吏善
治百有章劾事。留中。會赦壹解。故事尚書希下章。爲
姓者

煩擾百姓。證驗繫治。或死獄中。章文必有敢告之字。
廼下。唯陛下留神於擇賢。記善忘過。容忍臣子勿責。
以備。二千石部刺史三輔縣令有材任職者。人情不
能不有過差。宜可濶畧。令盡力者有所勸。此方今急
務國家之利也。前蘇令發。欲遣大夫使逐問狀。時見
大夫無可使者。召盭屋令尹逢拜爲諫大夫。遣之。今
諸大夫有材能者甚少。宜豫畜養。可成就者。則士赴
難不愛其死。臨事倉卒。乃求非所以明朝廷也。

力持董賢忠義慷慨奮發爲文。又何安徐詳密也。

鮑宣

字子都渤海人好學明經哀帝初爲諫大夫拜司隸擢辱丞相孔光下獄髡鉗王莽誅忠直不

附已者宣

繫獄自殺

論董賢書

是時群國地震民訛言行籌正月朔日食

宣復上書言陛下父事天母事地子養黎民卽位已來父虧明母震動子訛言相驚恐今日蝕於三始誠可畏懼小民正月朔日尚恐毀敗器物何況於日虧乎陛下深內自責避正殿舉直言求過失罷退外親及苟反素餐之人徵拜孔光爲光祿大夫發覺孫寵息夫躬過惡免官遣就國衆庶歛然莫不說喜天人

同心人心說則天意解矣乃二月丙戌白虹干軒音日連陰不雨干此天有憂結未解民有怨望未塞者也

侍中駙馬都尉董賢本無葭莩之親但以令色諛言自進賞賜亡度竭盡府臧并合三策尚以爲小復懷暴室賢父子坐使天子使者將作治第行夜吏卒皆得賞賜上冢有會輒太官爲供海內貢獻當養一君今反盡之賢家豈天意與民意邪天不可久負厚之如此反所以害之也誠欲哀賢宜爲謝過天地解讐海內免遣就國收乘輿器物還之縣官如此可以父

子終其性命不者海內之所仇未有得久安者也孫
寵息夫躬不宜居國可皆免以視天下復徵何武師
丹彭宣傳喜曠然使民易視以應天心建立大政以
興太平之端高門去省戶數十步求見出入二年未
省欲使海瀕仄陋自通遠矣願賜數刻之間極竭翬
翬之思翬音沐猶蒙蒙退入三泉歎公所恨

哀帝之庸猶知感異信其所言之質

興太平之世。高門去。皆百。幾十。夫。未。見。出。入。二。手。未。

毋將隆

字君房東海人大司馬王音請爲從事中郎遷諫大夫王莽少時慕與隆交隆不甚附莽

秉政徒

合浦

諫賜武庫兵器奏

董賢貴上發武庫兵送董賢及上乳毋王阿舍

隆奏言武庫兵器天下公用國家武備繕治造作皆度大司農錢大司農錢自乘輿不以給共養共養勞賜壹出少府益不以本臧給末用不以民力共浮費別公私示正路也古者諸侯方伯得顓征伐廼賜斧鉞漢家邊吏職在距寇亦賜武庫兵皆任其事然後蒙之春秋之誼家不臧甲所以抑臣威損私力也今

賢等便僻弄臣私恩微妾而以天下公用給其私用

契國威器非其家備

契缺也

民力分於弄臣武兵設於

微妾建立非宜以廣驕僭非所以示四方也

不費於說其理廼嚴

楊雄

字子雲蜀郡成都人

諫辭單于來朝書

建平四年單于上書願朝勿許使辭去未發雄上書諫

臣聞六經之治貴於未亂。兵家之勝貴於未戰。二者皆微。然而大事之本。不可不察也。今單于上書求朝。國家不許而辭之。臣愚以爲漢與匈奴從此隙矣。本北地之狄。五帝所不能臣。三王所不能制。其不可使隙甚明。臣不敢遠稱。請引秦以來明之。以秦始皇之彊。蒙恬之威。帶甲四十餘萬。然不敢窺西河。廼築長城以界之。會漢初興。以高祖之威靈。三十萬衆困於

平城士或七日不食。時奇譎之士石畫之。臣甚衆。卒其所以脫者。世莫得而言也。又高皇后嘗忿匈奴羣臣庭議。樊噲請以十萬衆橫行匈奴中。季布曰。噲可斬也。妄阿順指。於是大臣權書遺之。然後匈奴之結解。中國之憂平。及孝文時。匈奴侵暴北邊。侯騎至雍書泉。京師大駭。發五將軍屯細柳棘門霸上以備之。數月廼罷。孝武卽位。設馬邑之權。欲誘匈奴。使韓安國將三十萬衆。徼於便墜。匈奴覺之而去。徒費財勞師。一虜不可得見。况單于之面乎。其後深惟社稷之

計規恢萬載之策。廼大興師數十萬。使衛青霍去病。操兵前後十餘年。於是浮西河。絕大幕。破寘顏。襲王庭。窮極其地。追奔逐北。封狼居胥山。禪於姑衍。以臨翰海。虜名王貴人以百數。自是之後。匈奴震怖。益求和親。然而未肯稱臣也。且夫前世豈樂傾無量之費。役無罪之人。快心於狼望之北哉。以爲不壹勞者不。久佚。不暫費者不永寧。是以忍百萬之師。以摧餓虎之喙。運府庫之財。填廬山之壑。而不悔也。至本始之初。匈奴有桀心。欲掠烏孫。侵公主。廼發五將之師十。

五萬騎獵其南而長羅侯以烏孫五萬騎震其西皆至質而還。

質信也謂所期處

時鮮有所獲徒奮揚威武明漢

兵若雷風耳雖空行空反尚誅兩將軍故北狄不服中國未得高枕安寢也逮至元康神爵之間大化神明鴻恩溥洽而匈奴內亂五單于爭立且逐呼韓邪攜國歸死扶伏稱臣然尚羈縻之計不顯制自此之後欲朝者不距不欲者不強何者外國天性忿讐形容魁健負力怙氣難化以善易肆以惡。

惡謂威也

其強難

誡其和難得故未服之時勞師遠攻傾國殫貨伏尸

流血破堅拔敵如彼之難也。既服之後。慰薦撫循。交
接賂遺。威儀俯仰。如此之備也。往時嘗屠大宛之城。
蹈烏桓之壘。探姑繒之壁。籍蕩姐之場。姐音紫艾朝鮮
之旃。拔兩越之旗。近不過旬月之役。遠不離二時之
勞。固已犁其庭。掃其閭。郡縣而置之。雲徹席卷。後無
餘蓄。唯北狄爲不然。真中國之堅敵也。三垂比之懸
矣。前世重之茲甚。未易可輕也。今單于歸義。懷款誠
之心。欲離其庭。陳見於前。此廼上世之遺策。神靈之
所期望。國家雖費不得已者也。奈何距以來厭之辭。

疎以無日之期、消往昔之恩、開將來之隙、夫欸而隙之、使有恨心、負前言、緣往辭、歸怨於漢、因以自絕、終無北面之心、威之不可、諭之不能、焉得不爲大憂乎。夫明者視於無形、聰者聽於無聲、誠先於未然、卽蒙恬、樊噲不復施、棘門、細柳不復備、馬邑之策、安所設、衛霍之功、何得用、五將之威、安所震、不然、壹有隙之後、雖智者勞心於內、辨者轂擊於外、猶不若未然之時也。且往者圖西域、制車師、置城郭、都護三十六國。賢歲以大萬計者、豈爲康居、烏孫、能踰白龍堆而寇。

西邊哉。廼以制匈奴也。夫百年勞之一日失之費十。
而愛一臣竊爲國不安也。唯陛下少留意於未亂未。
戰。以遏邊萌之禍。

雄之文險譎鄙飾絕似其爲人此篇寬平俊偉一
反其常

又其常復施轉問糾察不復備焉是之謂安時

革之文劍歸暗槍雖以其爲人出歸實平發一

輝以盛憂南之斷

而受一耳蘇爲國不安也聖聖不少留意故未

西。數。結。既。以。歸。回。故。出。夫。百。年。發。之。一。日。失。之。貴。十。

漢書

雜著

顧在觀觀生

沛中蔣光胤克昌

雲間

許清胤介夫輯評

顧之萃宗之叅訂

句章陳

裕廣生

陳

祐天生

婁敬

齊人漢五年戍隴西過維陽高帝在焉敬脫輅見齊人婁將軍曰臣願見上言便宜虞將軍欲與鮮衣敬曰臣衣帛衣帛見衣褐衣褐見不敢易衣虞將軍入言上上召見

諫都維陽疏

時議欲都洛陽敬請居關中上即日西幸賜敬姓劉氏

陛下王天下與周異周之先自后稷堯封之邵積德累善十餘世公劉避桀居豳太王以狄伐故去豳杖

漢書

疏

馬箠去居岐國人爭歸之及文王爲西伯斷虞芮訟始受命呂望伯夷自海濱來歸之武王伐紂不期而會孟津上八百諸侯遂滅殷成王卽位周公之屬傅相焉廼營成周都雒以爲此天下中諸侯四方納貢職道里鈞矣有德則易以王無德則以以亾凡居此者欲令務以德致人不欲阻險令後世驕奢以虐民也及周之衰分而爲二天下莫朝周周不能制非德薄形勢弱也今陛下起豐沛收卒三千人以之徑往卷蜀漢定三秦與項籍戰滎陽大戰七十小戰四十

使天下之民肝腦塗地、父子暴骸中野、不可勝數、哭泣之聲不絕、傷夷者未起、而欲比隆成康之時、臣竊以爲不侔矣。且夫秦地披山帶河、四塞以爲固、卒然有急、百萬之衆可具、因秦之故資甚美、膏腴之地、此所謂天府。陛下入關而都之、山東雖亂、秦故地可全而有也。夫與人鬪、不搯其亢、拊其背、未能全勝。今陛下入關而都、按秦之政、此亦搯天下之亢而拊其背也。

天下形勢關中大勝洛陽英主一聞敬議而莫漢

社二百年良有以耳

薄昭

諫數淮南厲王書

淮南厲王長高帝少子其母故趙王張敖美人高帝八年過趙王獻美人幸有身趙王築外宮舍之賀高事覺并逮治王厲王母亦繫告吏以聞上方怒趙未及理厲王母弟趙兼曰辟陽侯言呂后后妬不自辟陽不强爭厲王母已生厲王志即自殺吏奉厲王詣上上悔令呂后母之而葬其母真定立長爲淮南王孝文卽位驕蹇數不奉法

上令昭予厲王書諫數之曰竊聞大王剛直而勇慈

惠而厚貞信多斷是天以聖人之資奉大王也甚盛

不可不察。今大王所行。不稱天資。皇帝初卽位。易侯
邑在淮南者。大王不肯。皇帝卒易之。使大王得三縣
之實甚厚。大王以未嘗與皇帝相見。求入朝。見未畢。
昆弟之歡。而殺列侯。以自爲名。皇帝不使吏與其間。
赦大王甚厚。法二千石缺。輒言漢補。大王逐漢所置。
而請自置相二千石。皇帝骹天下正法。而許大王甚
厚。骹古委字大王欲屬國爲布衣。守家真定。屬謂委棄之皇帝
不許。使大王毋失南面之尊。甚厚。大王正日夜奉法
度。修貢職。以稱皇帝之厚德。今廼輕言恣行。以負謫。

於天下甚非計也。夫大王以千里爲宅居，以萬民爲臣妾。此高皇帝之厚德也。高帝蒙霜露，沐風雨，赴矢石，野戰攻城，身被創痍，以爲子孫成萬世之業。艱難危苦甚矣。大王不思先帝之艱苦，日夜怵惕，修身正行，養犧牲，豐潔粢盛，奉祭祀，以無忘先帝之功德，而欲屬國爲布衣，甚過。且夫貪讓國土之名，輕廢先帝之業，不可以言孝。父爲之基而不能守，不賢不求守長陵而求之真定，先母後父，不誼。數逆天子之令，不順言節行以高兄，無禮。

謂請守母冢自爲名節而幸表異行用此矜高於兄也

臣有罪。大者立斷。小者肉刑。不仁。貴布衣一劍之任。
賤王侯之位。不知不學。問大道。觸情妄行。不祥。此八
者。危亡之路也。而大王行之。棄南面之位。奮諸賁之
勇。專諸孟賁也常出入危亡之路。臣之所見。高皇帝之神。

必不廟食於大王之手。明白。昔者周公誅管叔。放蔡
叔。以安周。齊桓殺其弟。以反國。秦始皇殺兩弟。遷其
母。以安秦。項王亡代。高帝奪之國。以便事。濟北舉兵。
皇帝誅之。以安漢。故周齊行之於古。秦漢用之於今。
大王不察古今之所以安國便事。而欲以親戚之意。

望於太上。不可得也。亾之諸侯。游宦事人。及舍匿者。論皆有法。其在王所。吏主者坐。今諸侯子爲吏者。御史主。爲軍吏者。中尉主。客出入殿門者。衛尉主。行主。諸從蠻夷來歸誼。及以亾名數自古者。內史縣令主。相欲委下吏。無與其禍。不可得也。言諸侯王之相欲委罪於在下小吏而身不干豫之不可得也。王若不改。漢繫大王。邸論相以下爲之。

奈何。夫墮父大業。退爲布衣所哀。幸臣皆伏法而誅。爲天下笑。以羞先帝之德。甚爲大王不取也。宜急改操易行。上書謝罪曰。臣不幸早失先帝。少孤。呂氏之

世未嘗忘死。陛下卽位。臣怙恩德。驕盈。行多不軌。追
念臯過。恐懼伏地待誅。不敢起。皇帝聞之。必喜。大王
昆弟歡欣於上。羣臣皆得延壽於下。上下得宜。海內
常安。願孰計而疾行之。行之有疑。禍如發矢。不可追
已。

長以母死。非命激而成恣。自是血性男子。文帝不
能委曲善導。使就和平。從而數之。布粟之淫。所自
來已。

鄒陽

齊人仕吳以文辯著名吳王有邪謀知不可說去之梁

獄中上梁孝王書

陽爲人忼慨不苟合羊勝公孫詭等惡之梁孝王下陽吏

將殺之陽乃上書

臣聞忠無不報、信不見疑、臣常以爲然、徒虛語耳、昔
荆軻慕燕丹之義、白虹貫日、太子畏之、衛先生爲秦
畫長平之事、太白食鼎、昭王疑之、夫精變天地、而信
不諭兩主、豈不哀哉、今臣盡忠竭誠、卑議願知、左右
不明、卒從吏訊、爲世所疑、是使荆軻衛先生復起、而
燕秦不寤也、願大王孰察之、昔玉人獻寶、楚王誅之、

李斯竭忠、胡亥極刑，是以箕子陽狂、接輿避世，恐遭此患也。願大王察玉人李斯之意，而後楚王胡亥之聽，毋使臣爲箕子接輿所笑。臣聞比干剖心，子胥鴟夷，臣始不信，迺今知之。願大王孰察，少加憐焉。語曰：有白頭如新，傾蓋如故。何則？知與不知也。故樊於期逃秦之燕，藉荊軻首以奉丹事；王奢去齊之魏，臨城自剄以卻齊而存魏。夫王者樊於期，非新於齊秦而故於燕魏也。所以去二國、歿兩君者，行合於志，慕義無窮也。是以蘇秦不信於天下，爲燕尾生；白圭戰亡

六城爲魏取中山何則誠有以相知也蘇秦相燕人惡之燕王燕王按劍而怒食以駃騠白圭顯於中山人惡之於魏文侯文侯賜以夜光之璧何則兩主二臣剖心析肝相信豈移於浮辭哉故女無美惡入宮見妒士無賢不肖入朝見嫉昔司馬喜賔鄒於宋卒相中山范雎拉脇折齒於魏卒爲應侯此二人者皆信必然之畫相朋黨之私挾孤獨之交故不能自免於嫉妒之人也是以申徒狄蹈雍之河徐衍負石入海不容於世義不苟取比周於朝以移主上之心故

百里奚乞食於道路，繆公委之以政，寧戚飯牛車下，
桓公任之以國，此二人者，豈素宦於朝，借譽於左右，
然後二主用之哉？感於心，合於行，堅如膠漆，昆弟不
能離，豈惑於衆口哉？故偏聽生姦，獨任成亂。昔魯聽
季孫之說，逐孔子；宋任子冉之計，囚墨翟。夫以孔墨
之辯，不能自免於讒諛，而二國以危，何則？衆口鑠金，
積毀銷骨也。秦用戎人，由余而伯中國；齊用越人，子
臧而彊威。宣此二國，豈係於俗，牽於世，繫奇偏之浮
辭哉？公聽並觀，垂明當世，故意合則胡越爲兄弟，由

余子臧是矣、不合則骨肉爲讐敵、朱象管蔡是矣、今人主誠能用齊秦之明、後宋魯之聽、則五伯不足侔而三王易爲也、是以聖王覺寤、捐子之之心、而不說田常之賢、封比干之後、修孕婦之墓、故功業覆於天下、何則、欲善亡厭也、夫晉文親其讎、彊伯諸侯、齊桓用其仇、而一匡天下、何則、慈仁殷勤、誠加於心、不可以虛辭借也、至夫秦用商鞅之法、東弱韓魏、立彊天下、卒車裂之、越用大夫種之謀、禽勁吳、而伯中國、遂誅其身、是以孫叔敖三去相而不悔、於陵子仲辭三

公爲人灌園。今人主誠能去驕傲之心，懷可報之意，
披心腹，見情素，墮肝膽，施德厚，終與之窮達，無愛於
士，則桀之犬可使吠堯，跖之客可使刺由，何況因萬
乘之權，假聖王之資乎？然則軻湛七族，要離燔妻子，
豈足爲大王道哉？臣聞明月之珠，夜光之璧，以闇投
人於道，衆莫不按劍相眄者，何則？無因而至前也。蟠
木根柢，輪囷離奇，而爲萬乘器者，以左右先爲之容
也。故無因而至前，雖出隨珠和璧，祇怨結而不見德。
有人先游，則枯木朽株，樹功而不忘。今夫天下布衣

窮居之士、身在貧羸、雖蒙堯舜之術、挾伊管之辯、懷
龍逢比干之意、而素無根柢之容、雖竭精神、欲開忠
於當世之君、則人主必襲按劍相眄之迹矣、是使布
衣之士、不得爲枯木朽株之資也、是以聖王制世御
俗、獨化於陶鈞之上、而不牽乎卑亂之語、不奪乎衆
多之口、故秦皇帝、任中庶子蒙之言、以信荊軻而七
皆竊發、周文王獵涇渭、載呂尚歸、以王天下、秦信左
右而亡、周用鳥集而王、言文王之得太公非因舊故若鳥鳥之暴集何則、
以其能越犖拘之語、馳域外之議、獨觀乎昭曠之道、

也。今人主沈諂諛之辭，牽帷牆之制。

言爲左右便僻，侍帷牆臣妾所

見牽制矣。

使不羈之士，與牛驥同皁。此鮑焦所以憤於世

也。

鮑焦，怨時之不用已，立枯於洛水之上。

臣聞盛飾入朝者，不以私汙

義。底厲名號者，不以利傷行。故里名勝母，曾子不入。

邑號朝歌，墨子回車。今欲使天下寥廓之士，籠於威

重之權，脅於位執之貴，回面汙行，以事諂諛之人，而

求親近於左右，則士有伏穴堀穴，嚙齧之中耳。安有

盡忠信而趨闕下者哉。

合與不合，明與不明，只是一意，及復不厭情之亟。

不覺其言之複亦文章不複自能不重也

諫吳王書

吳王上書

東晉書諫曰臣聞得全者全昌失全者全亡無立
義之地以有天下焉無十戶之衆以王諸侯湯武之
主不過百里上不絕三光之明下不傷百姓之心者
有土有財也故父老之遺天性也忠臣不避重誅以直諫則事無遺策力流萬
世臣竊願此腹心而效愚忠而大至少知感念期恒
之於臣等言夫以一國之任係乎劍之重上為

不覺其言之賅亦不覺其言之不重也

枚乘

字叔雅陰人為吳王濞郎中武帝自為太子聞乘名及即位徵乘道成

諫吳王書

吳王怨望謀為逆

乘奏書諫曰臣聞得全者全昌失全者全亡舜無立
錐之地以有天下禹無十戶之聚以王諸侯湯武之
土不過百里上不絕三光之明下不傷百姓之心者
有王術也德政和平則日月星辰無有錯謬故言不絕三光之明也故父子之道
天性也忠臣不避重誅以直諫則事無遺策功流萬
世臣乘願披腹心而效愚忠唯大王少加意念惻怛
之心於臣乘言夫以一縷之任係千鈞之重上縣無

極之高、下垂不測之淵、雖甚愚之人、猶知哀其將絕也。馬方駭鼓而驚之、係方絕、又重鎮之、係絕于天、不可復結、隊入深淵、難以復出、其出不出、間不容髮、能聽忠臣之言、百舉必脫、必若所欲爲、危於繫卵、難於上天、變所欲爲、易於反掌、安於泰山、今欲極天命之壽、敝無窮之樂、究萬乘之執、不出反掌之易、以居泰山之安、而欲乘繫卵之危、走上天之難、此愚臣之所以爲大王惑也。人性有畏其景而惡其跡者、卻背而走、迹愈多、景愈疾、不知就陰而止、景滅迹絕、欲人勿

聞莫若勿言。欲人勿知。莫若勿爲。欲湯之滄。一人炊
之。百人楊之。無益也。不如絕薪止火而已。不絕之於
彼而救之於此。譬猶抱薪而救火也。養由基。楚之善
射者也。去楊葉百步。百發百中。楊葉之大。加百中焉。
可謂善射矣。然其所止。廼百步之內耳。比於臣乘。未
知操弓持矢也。禍生有基。禍生有胎。納其基。絕其胎。
禍何自來。泰山之雷穿石。單極之統斷幹。西方人名
屋梁爲極
單一也。一梁謂井鹿盧也。言鹿盧爲綆。水非石之鑽。
索久鏤斷井幹也。統古綆字也。音鯁。索非木之鋸。漸靡使之然也。夫銖銖而稱之。至石必

海言
二
差寸寸而度之。至丈必過。石稱丈量。徑而寡失。夫十圍之木。始生如蘖。足可搔而絕。手可擢而拔。據其未生。先其未形也。磨礱底厲。不見其損。有時而盡。種樹畜養。不見其益。有時而大。積德累行。不知其善。有時而用。棄義背理。不知其惡。有時而亡。臣願大王孰計而身行之。此百世不易之道也。

多有名言。可以佩服。類儒者之詞。非游說之說也。

王吉

字子陽琅邪人少好學明經舉賢良爲昌邑中尉王卽位以淫亂廢昌邑群臣皆下獄誅唯吉

與郎中令龔遂以數諫爭得減死復爲益州刺史博士諫大夫謝病歸吉與貢禹友善世稱王

陽在位貢公彈冠言其取舍同也

諫昌邑王疏

王好游獵馳驅國中動作無節吉上疏諫

臣聞古者師日行三十里吉行五十里詩云匪風發

兮匪車揭兮顧瞻周道中心惓兮

惓古但字

說曰是非古

之風也發發者是非古之車也揭揭者益傷之也今

者大王幸方與曾不半日而馳二百里百姓頗廢耕

桑治道牽馬臣愚以爲民不可數變也昔召公述職

當民事時，舍於棠下而聽斷焉。是時人皆得其所。後世思其仁恩，至乎不伐甘棠。甘棠之詩是也。大王不好書術而樂逸游，馮式搏銜，馳騁不止，口倦乎叱咤，手苦於箠轡，身勞乎車輿。朝則冒霧露，晝則被塵埃。夏則爲大暑之所暴炙，冬則爲風寒之所匿薄。數以爽脆之玉體，犯勤勞之煩毒，非所以全壽命之宗也。又非所以進仁義之隆也。夫廣夏之下，細旃之上，明師居前，勸誦在後，上論唐虞之際，下及殷周之盛，考仁聖之風，習治國之道，訢訢焉，發憤忘食，日新厥德。

其樂豈徒銜。脰之間哉。休則俛仰。誠信以利形。進退
步趨。以實下。吸新吐故。以練臧。專意積精。以適神。於
以養生。豈不長哉。大王誠留意如此。則心有堯舜之
志。體有喬松之壽。美聲廣譽。登而上聞。則福祿其臻。
而社稷安矣。皇帝仁聖。至今思慕未怠。於宮館園池。
弋獵之樂。未有所幸。大王宜夙夜念此。以承聖意。諸
侯骨肉。莫親大王。大王於屬則子也。於位則臣也。一
身而二任之責。加焉。恩愛行義。熾介有不具者。於以
上聞。非饗國之福也。

勸學一段足使心曠神怡若將可及

司馬相如

字長卿少時好讀書學擊劍客游梁著乎虛賦上讀而善之乃召問爲郎病免

諭巴蜀檄

唐蒙使畧通夜郎犍中發巴蜀吏卒蜀民大驚恐上道相如責唐蒙等因

諭告巴蜀民以非上意

檄曰告巴蜀太守蠻夷自擅不討之日久矣時侵犯邊境勞士大夫陛下卽位存撫天下集安中國然後興師出兵北征匈奴單于怖駭交臂受事屈膝請和康居西域重譯納貢稽首來享移師東指閩越相誅右弔番禺太子入朝南夷之君西僊之長常效貢職不敢惰怠延頸舉踵喁喁然皆鄉風慕義欲爲臣妾

道里遼遠山川阻深不能自致夫不順者已誅而爲善者未賞故遣中郎將往賓之發巴蜀之士各五百人以春幣衛使者不然靡有兵革之事戰鬪之患今聞其乃發軍興制驚懼子弟憂患長老郡又擅爲轉粟運輸皆非天下之意也嘗行者或亡逃自賊殺亦非人臣之節也夫邊郡之士聞邊舉燧燔皆攝弓而馳荷兵而走流汗相屬惟恐居後觸白刃冒流矢議不反顧計不旋踵人懷怨心如報私讐彼豈樂死惡生非編列之民而與巴蜀異主哉計深慮遠急國家

之難。而樂盡人臣之道也。故有剖符之封。析圭而爵。位爲通侯。居列東第。終則遺顯號於後世。傳土地于子孫。事行甚忠敬。居位甚安佚。名聲施于無窮。功烈著而不滅。是以賢人君子。肝腦塗中原。膏液潤塗草。而不辭也。今奉幣使至南夷。卽自賊殺。或亡逃抵誅。身死無名。謚爲至愚。耻及父母。爲天下笑。人之度量相越。豈不遠哉。然此非獨行者之罪也。父兄之教。不先子弟之率。不謹寡廉鮮耻。而俗不長厚也。其被刑戮。不亦宜乎。陛下患使者有司之若彼。悼不肖愚民。

之如此。故遣信使曉諭百姓。以發卒之事。因數之以
不忠死亡之罪。讓三老孝弟。以不教誨之過。方今田
時。重煩百姓。已親見近縣。恐遠所谿谷山澤之民。不
徧聞。檄到。亟下縣道。咸諭陛下意。毋忽。
使者百姓兩不直之大體所存

司馬相如

難蜀父老

蜀長老多言通西南夷之不爲用大臣亦以爲然相如乃著書藉蜀父老爲辭而已詰難之以風天子

辭曰漢興七十有八載德茂存乎六世威武紛云湛恩汪濊群生霑濡洋溢乎方外於是乃命使西征隨流而攘風之所被罔不披靡因朝冉從駟定存存耶略斯榆舉苞蒲結軌還轅東鄉將報至于蜀都父老大夫搢紳先生之徒二十有七人儼然達焉辭畢進曰蓋聞天子之於夷狄也其義羈縻勿絕而已今罷

三郡之士、通夜郎之塗、三年於茲、而功不竟、士卒勞
倦、萬民不瞻、今又接之以西夷、百姓力屈、恐不能卒
業、此亦使者之累也、竊爲左右患之、且夫邛笮西僰
之與中國並也、歷年茲多、不可記已、仁者不以德來、
強者不以力并、意者殆不可乎、今割齊民以附夷狄、
弊所恃以事、無用鄙人固陋、不識所謂、使者曰、烏謂
此乎、必若所云、則是蜀不變服而已、不化俗也、僕尚
惡聞若說、然斯事體大、固非觀者之所觀也、余之行
急、其詳不可得聞已、請爲大夫粗陳其略、蓋世必有

非常之人然後有非常之事有非常之事然後有非常之功非常者固常人之所異也故曰非常之元黎民懼焉及臻厥成天下晏如也昔者洪水沸出汜濫衍溢民人升降移徙崎嶇而不安夏后氏戚之乃湮洪原決江䟽河灑沈澹災東歸之於海而天下承寧當斯之勤豈惟民哉心煩於慮而身親其勞躬儼儼胝無胈膚不生毛故休烈顯乎無窮聲稱浹乎于茲且夫賢君之踐位也豈特委瑣握臲拘文章俗循誦習傳當世取說云爾哉必將崇論宏議創業垂統爲

萬世規故。馳騫乎兼容并包。而勤思乎參天貳地。且詩不云乎。普天之下。莫非王土。率土之濱。莫非王臣。是以六合之內。八方之外。浸淫衍溢。懷生之物。有不浸潤於澤者。賢君耻之。今封疆之內。冠帶之倫。咸獲嘉祉。靡有闕遺矣。而夷狄殊俗之國。遼絕異黨之域。舟車不通。人迹罕至。政教未加。流風猶微。內之則犯義侵禮於邊境。外之則邪行橫作。放殺其上。君臣易位。尊卑失序。父兄不辜。幼孤爲奴虜。係索號泣。內鄉而怨。曰。蓋聞中國有至仁焉。德洋恩普。物靡不得其

所○今○獨○曷○爲○遺○已○舉○踵○思○慕○若○枯○旱○之○望○雨○盭○夫○爲○
之○垂○涕○况○乎○上○聖○又○烏○能○已○故○北○出○師○以○討○強○胡○南○
馳○使○以○誚○勁○越○四○面○風○德○二○方○之○君○鱗○集○仰○流○願○得○
受○號○者○以○億○計○故○乃○關○沫○若○徼○牂○柯○鏤○靈○山○梁○孫○原○
創○道○德○之○塗○垂○仁○義○之○統○將○博○恩○廣○施○遠○撫○長○駕○使○
疏○逖○不○閉○胥○爽○闇○昧○得○耀○乎○光○明○以○偃○甲○兵○於○此○而○
息○討○伐○於○彼○遐○邇○一○體○中○外○禔○福○不○亦○康○乎○夫○拯○民○
於○沉○溺○奉○至○尊○之○休○德○反○衰○世○之○陵○夷○繼○周○氏○之○絕○
業○天○子○之○急○務○也○百○姓○雖○勞○又○烏○可○以○已○哉○且○夫○王○

者固未有。不始于憂勤。而終于佚樂者也。然則受命之符。合在於此。方將增太山之封。加梁父之事。鳴和鸞。揚樂頌。上咸五。下登三。觀者未覩指。聽者未聞音。猶焦朋已翔乎寥廓。而羅者猶視乎數澤。悲夫。於是諸大夫茫然喪其所懷來。失厥所以進。喟然並稱曰。允哉漢德。此鄙人之所願聞也。百姓雖勞。請以身先之。敝罔靡徙。遷延而辭避。

覽其情詞。爲已解嘲。堅上意耳。何云諷也。怨武帝力所優。爲無害于勸此等事。特不可以他主耳。

嘗試

司馬相如

封禪文

相如病免家居茂陵天子取其書使所
忠往而相如已死問其妻對曰長卿未
死時爲一卷書曰有使
來求書奏之言封禪事

伊上古之初肇自顓穹生民歷選列辟以迄於秦率
邇者踵武聽逝者風聲紛輪威蕤堙滅而不稱者不
可勝數也繼昭夏崇號諡略可道者七十有二君罔
若淑而不昌疇逆失而能存軒轅之前遐哉邈乎其
詳不可得聞已五三六經載籍之傳維見可觀也書
曰元首明哉股肱良哉因斯以談君莫盛於堯臣莫

賢於后稷、后稷創業於唐、公劉發迹於西戎、文王改
制、爰周、邳隆、大行越成、而后陵遲衰微、千載亡聲、豈
不善始善終哉、無聲無有、惡聲也、然無異端、慎所由於前、謹

遺教於後耳、故軌迹夷易、易遵也、湛恩龐洪、易豐也、

憲度著明、易則也、垂統理順、易繼也、是以業隆於強
保、而崇冠乎二后、揆厥所元、終都攸率、元始也都、於

亦終也、言度其所始、究其所終也、未有殊尤絕迹、可考於今者也、然

衡躡梁甫、登太山、建顯號、施尊名、大漢之德、逢涌原

泉、汾潏曼羨、汾潏曼羨、盛大之意、旁魄四塞、雲布霧散、上暢九

垓下沂八埏懷生之類沿濡浸潤協氣橫流武節焱
逝爾陘游原迫闊泳末首惡鬱沒闇昧昭晰昆蟲閭
憚回首面內然後囿騶虞之珍群徼麋鹿之怪獸導
一莖六穗於庖犧雙觥共抵之獸獲周餘放龜于岐
招翠黃乘龍於沼鬼神接靈囿賓於閒館奇物譎詭
倣儻窮變欽哉符瑞臻茲猶以爲薄不敢道封禪蓋
周躍魚隕枕休之以燎微夫斯之爲符也以登介丘
不亦愿乎進攘之遙何其爽與於是大司馬進曰陛
下仁育群生義征不諛諸夏樂貢百蠻執贄德牟往

初功無與二休烈波洽符瑞衆變期應紹至不特創
見意者太山梁父設壇場望幸蓋號以况榮上帝垂
恩儲社將以慶成陛下謙讓而弗發也挈三神之歡
缺王道之儀群臣愚焉或謂且天爲質闇示珍符固
不可辭若然辭之是太山靡記而梁父罔幾也亦各
並時而榮咸濟厥世而屈說者尚何稱於後而云七
十二君哉夫修德以錫符奉符以行事不爲進越也
故聖王弗替而修禮地祇謁款天神勒功中岳以章
至尊舒盛德發號榮受厚福以浸黎民皇皇哉斯事

天下之壯觀王者之卒業不可貶也願陛下全之而
后因雜縉紳先生之略術使獲曜日月之光絕炎
以展采錯事猶兼正列其義被飾厥文作春秋一藝
將襲舊六爲七攄之無窮俾萬世得激清流揚微波
蜚英聲騰茂實前聖之所以永保鴻名而常爲稱首
者用此宜命掌故悉奏其儀而覽焉於是天子沛然
改容曰俞乎朕其試哉

天生漢武之好大不封禪不已天生相如之浮華
不作封禪書不止總之點綴乾坤一事不必深論

耳

劉歆

字子駿，湛靜有謀，博見彊志，過絕于人。成帝時，為黃門郎，哀帝即位，為侍中、太中大夫、遷騎都尉，奉車光祿大夫，貴幸。

王莽篡位，歆為國師。

移書讓太常博士

歆校秘書，見古文春秋左氏傳，大好之，及親近，欲建立左

氏春秋及毛詩，逸禮古文尚書，皆列于樂官。哀帝令典博

士講論其義，諸博士或不肯置計。

昔唐虞既衰，而三代迭興，聖帝明王，累起相襲，其道

甚著。周室既微，而禮樂不，正道之難全也如此。是故

孔子憂道之不行，歷國應聘，自衛反魯，然後樂正雅

頌乃得其所。修易序書，制作春秋，以紀帝王之道。及

夫子沒而微言絕、七十子終而大義乖、重遭戰國棄
遷豆之禮、理軍旅之陳、孔氏之道抑、而孫吳之術興、
陵夷至于暴秦、燔經書、殺儒士、設挾書之法、行是古
之罪、道術由是遂滅、漢興、去聖帝明王遐遠、仲尼之
道又絕、法度無所因襲、時獨有一叔孫通畧定禮儀、
天下唯有易卜、未有它書、至孝惠之世、乃除挾書之
律、然公卿大臣絳灌之屬、咸介冑武夫、莫以爲意、至
孝文皇帝、始使掌故朝錯、從伏生受尚書、尚書初出
于屋壁、朽折散絕、今其書見在、時師傳讀而已、詩始

萌芽、天下衆書、往往頗出、皆諸子傳書、猶廣立於學宮、爲置博士、在漢朝之儒、唯賈生而已、至孝武皇帝、然後鄒魯梁趙、頗有詩禮春秋先師、皆起于建元之間、當此之時、一人不能獨盡其經、或爲雅、或爲頌、相合而成、秦誓後得、博士集而讀之、故詔書稱曰、禮壞樂崩、書缺簡脫、朕甚閔焉、時漢興已七八十年、離於全經、固已遠矣、及魯恭王壞孔子宅、欲以爲宮、而得古文於壞壁之中、逸禮有三十九、書十六篇、天漢之後、孔安國獻之、遭巫蠱倉卒之難、未及施行、及春秋

左氏丘明所修。皆古文舊書。多者二十餘通。藏於秘府。伏而未發。孝成皇帝。閔學殘文缺。稍離其真。乃陳發秘藏。校理舊文。得此三事。以考學官所傳。經或脫簡。傳或閒編。傳問民間。則有魯國桓公。趙國貫公。膠東庸生之遺。學與此同。抑而未施。此乃有識者之所惜。閔士君子之所嗟痛也。往者綴學之士。不思廢絕之闕。苟因陋就寡。分文析字。煩言碎辭。學者罷老。且不能究其一藝。信口說而背傳記。是末師而非往古。至於國家將有大事。若立辟雍。封禪巡狩之儀。則幽

冥而莫知其原。猶欲保殘守缺。挾恐見破之私意。而無從善服義之公心。或懷妬嫉。不考情實。雷同相從。隨聲是非。抑此三者。以尚書爲備。謂左氏爲不傳春秋。豈不哀哉。今聖上德通神明。繼統揚業。亦閔文學錯亂。學士若茲。雖昭其情。猶依違謙讓。樂與士君子同之。故下明詔。試左氏可立不。遣近臣奉旨銜命。將以輔弱扶微。與二三君子比意同力。冀得廢道。今則不然。深閉固距而不肯試。猥以不誦絕之。欲以杜塞餘道。絕滅微學。夫可與樂成。難與慮始。此乃衆庶之

所爲耳。非所望士君子也。且此數家之事。皆先帝所
親論。今上所考視。其古文舊書。皆有徵驗。外望應。
豈苟而已哉。夫禮失求之于野。古文不猶愈于野乎。
往者博士書有毆陽。春秋公羊。易則施孟。然孝宣皇
帝猶復廣立穀梁春秋。梁丘易。大小夏侯尚書。義雖
相反。猶並置之。何則。過其過而廢之也。寧過而止之。
傳曰。文武之道。未墜於地。在人。賢者志其大者。不賢
者志其小者。今此數家之言。所以兼包大小之義。豈
可偏絕哉。若必專已守殘。黨同門。妬道真。違明詔。失

聖意。以陷于文吏之議。甚爲二三君子不取也。

六經旣失之餘。搜隱求伏。補殘完缺。漢代之力。實爲不小。觀歆此文。其爲左氏功臣。先于杜武庫矣。

杜欽

字子夏王鳳以外戚輔政奏請欽爲大將軍軍武庫令乞骸骨去以壽終

說大將軍

上自爲太子時以好色聞及卽位皇太后詔采其家女欽因是說鳳

禮壹娶九女所以極陽數廣嗣重祖也必鄉舉求窈

窕不問華色

鄉舉者博問鄉里而舉之

所以助德理內也娣姪雖

缺不復補所以養壽塞爭也故后妃有貞淑之行則

胤嗣有賢聖之君制度有威儀之節則人君有壽考

之福廢而不錄則女德不厭女德不厭則壽命不窕

於高年書云或四三年

周書湛樂之從罔或克壽或四三年

言失欲之

生害也男子五十好色未衰婦人四十容貌改前以

改前之容。侍於未衰之年。而不以禮爲制。則其原不
可救。而後俵異態。後俵異態。則正后自疑。而支庶有
間適之心。是以晉獻被納讒之謗。申生蒙無罪之辜。
今聖王富於春秋。未有適嗣。方鄉術入學。未親后妃
之議。將軍輔政。宜因始初之隆。建九女之制。詳擇有
行義之家。求淑女之質。毋必有聲色音技。能爲萬世
大法。夫少戒之在色。小卞之作。可爲寒心。唯將軍常
以爲憂。

杜欽谷永黨附王氏專攻主失匿情之文本無足

然善處人兄弟是善祥事

漢書卷之七

杜鄴

字子夏徙茂陵以孝廉為郎與王音善

說王音

平阿侯譚薨上復令譚弟商特進領城門兵鄴見音前與平阿有隙說音

僕聞人情恩深者其養謹愛至者其求詳夫戚而不

見殊孰能無怨此棠棣角弓之詩所為作也昔秦伯

有千乘之國而不能容其母弟春秋亦書而譏焉秦景

公母弟公子鍼有寵于其父桓公景公立鍼懼而奔晉周召則不然忠以相輔

義以相匡同已之親等已之尊不以聖德獨兼國寵

又不為長專受榮任分職於陝並為弼疑弼疑謂左輔右弼前

疑後丞也故內無感恨之隙外無侵侮之羞俱享天佑兩

荷高名者。蓋以此也。竊見成都侯以特進領城門兵。復有詔得舉吏加五府。此明詔所欲寵也。將軍宜承順聖意。加異往時。每事凡議。必與及之。指爲誠發。出於將軍。則孰敢不說諭。昔文侯寤大鴈之獻。而父子

益親。

魏文侯廢太子擊立擊弟訢。擊臣趙倉唐進大鴈於文侯。應對以禮。文侯感寤。寤廢訢而召立擊。

陳平共壹飯之簞。而將相加驩。

陳平用陸賈說以五百金爲絳侯具食。

所接。雖在楹階俎豆之間。其於爲國折衝厭難。豈不遠哉。竊慕倉唐陸子之義。所白奧內。唯深察焉。

杜鄴能譏丁傳。而不敢忤王氏。丁傳爲害不深也。

過秦論

秦孝公據殽函之固。擁雍州之地。君臣固守而窺周室。有席卷天下。包舉宇內。囊括四海。并吞八荒之心。當是時也。商君佐之。內立法度。務耕織。修守戰之備。外連衡而鬪諸侯。於是秦人拱手而取西河之外。孝公既沒。惠文武昭襄蒙故業。因遺策。南取漢中。西舉巴蜀。東割膏腴之地。收要害之郡。諸侯恐懼。會盟而謀弱秦。不愛珍器重寶肥饒之地。以致天下之士。合

從締交相與爲一。當此之時。齊有孟嘗。趙有平原。楚有春申。魏有信陵。此四賢者。皆明智而忠信。寬厚而愛人。尊賢重士。約從離橫。兼韓魏燕趙宋衛中山之衆。於是六國之士。有寧越徐尚蘇秦杜赫之屬。爲之謀。齊明周最陳軫。召滑樓緩翟景蘇厲樂毅之徒。通其意。吳起孫臏帶他兒良王廖田忌廉頗趙奢之朋。制其兵。常以十倍之地。百萬之軍。叩關而攻秦。秦人開關延敵。九國之師遁巡。而不敢進。秦無亡矢遺鏃之費。而天下已困矣。於是從散約敗。爭割地而賂秦。

秦有餘力而制其弊。追亡逐北。伏尸百萬。流血漂鹵。因利乘便。宰割天下。分裂山河。強國請服。弱國入朝。施及孝文。莊襄王享國之日淺。國家亾事。及至始皇。奮六世之餘烈。振長策而馭宇內。吞二周而亾諸侯。履至尊而制六合。執敲朴以鞭笞天下。威震四海。南取百粵之地。以爲桂林象郡。百粵之君。頻首係頸。委命下吏。廼使蒙恬北築長城而守藩籬。卻匈奴七百余里。胡人不敢南下而牧馬。士不敢彎弓而報怨。於是廢先王之道。焚百家之言。以愚黔首。墮名城。殺豪

俊收天下之兵。聚之咸陽。銷鋒鋦。鋦音鐫鑄以爲金人。

十二。以弱天下之民。然後踐華爲城。因河爲池。據億丈之城。臨不測之川。以爲固。良將勁弩。守要害之處。信臣精卒。陳利兵而誰何。天下已定。始皇之心。自以爲關中之固。金城千里。子孫帝王萬世之業也。始皇既沒。餘威震於殊俗。然而陳涉。甕牖繩樞之子。呾隸之人。遷徙之徒也。材能不及中庸。非有仲尼墨翟之知。陶朱猗頓之富。躡足行伍之間。而免起阡陌之中。帥罷散之卒。將數百之衆。轉而攻秦。斬木爲兵。揭竿

爲旗。天下雲合響應。羸糧而景從。

羸櫓也。

山東豪俊遂

竝起而亡秦族矣。且天下非小弱也。雍州之地。殽函之固。自若也。陳涉之位。不齒於齊楚燕趙韓魏宋衛中山之君。鉏耰棘矜。不敵於鉤戟長鎗。適戍之衆。不亢於九國之師。深謀遠慮。行軍用兵之道。非及曩時之士乎。然而成敗異變。功業相反。何也。試使山東之國。與陳涉度長絜大。比權量力。不可同年而語矣。然秦以區區之地。致萬乘之權。招八州而朝同列。百有餘年。然後以六合爲家。殽函爲宮。一夫作難。而七廟

漢書
三
墮身死。人。手。爲。天。下。笑。者。何。也。仁。誼。不。施。而。攻。守。之。
藝。異。也。

與。亾。強。弱。之。間。忽。然。兩。絕。以。太。史。公。之。好。奇。而。用。
此。爲。陳。項。傳。贊。足。知。其。奇。妙。

東方朔

字曼倩平原厭次人也武帝初四方士上書自衒鬻者以千數朔高自稱譽上偉之令待詔公車嘗醉小遺殿上放蕩詼諧終不見用

客難

設客難已月位卑以自慰諭

客難東方朔曰、蘓秦張儀一當萬乘之主、而都卿相之位、澤及後世、今子大夫修先王之術、慕聖人之義、諷誦詩書百家之言、不可勝數、著於竹帛、唇腐齒落、服膺而不釋、好學樂道之效、明白甚矣、自以智能海內無雙、則可謂博聞辯智矣、然悉力盡忠、以事聖帝、曠日持久、官不過侍郎位、不過執戟、意者尚有遺行

邪。同胞之徒。無所容居。其故何也。東方先生喟然長
息。仰而應之曰。是固非子之所能備也。彼一時也。此
一時也。豈可同哉。夫蘓秦張儀之時。周室大壞。諸侯
不朝。力政爭權。相禽以兵。并爲十二國。未有雌雄。得
士者彊。失士者弱。故談說行焉。身處尊位。珍寶克內。
外有廩倉。澤及後世。子孫長享。今則不然。聖帝流德。
天下震懼。諸侯賓服。連四海之外。以爲帶。安於覆盂。
動猶運之掌。賢不肖。何以異哉。遵天之道。順地之理。
物無不得其所。故綏之則安。動之則苦。尊之則榮。將。

卑之則爲虜、抗之則在青雲之上、抑之則在深泉之
下、用之則爲虎、不用則爲鼠、雖欲盡節效情、安知前
後、夫天地之大、士民之衆、竭精談說、竝進輻湊者、不
可勝數、悉力慕之、困於衣食、或失門戶、使蘓秦張儀
與僕竝生於今之世、曾不得掌故、安敢望常侍郎乎
故曰時異事異、雖然、安可以不務脩身乎哉、詩云、鼓
鍾于宮、聲聞于外、霍鳴于九臯、聲聞于天、苟能修身
何患不榮、太公體行仁義、七十有二、廼設用於文武
得信厥說、設施也、信封於齊、七、百歲而不絕、此士所

以○日○夜○孳○孳○敏○行○而○不○敢○怠○也○辟○若○鷙○鴟○飛○且○鳴○矣○
傳○曰○天○不○爲○人○之○惡○寒○而○輟○其○冬○地○不○爲○人○之○惡○險○
而○輟○其○廣○君○子○不○爲○小○人○之○匈○匈○而○易○其○行○天○有○常○
度○地○有○常○形○君○子○有○常○行○君○子○道○其○常○小○人○計○其○功○
詩○云○禮○義○之○不○愆○何○恤○人○之○言○故○曰○水○至○清○則○無○魚○
人○至○察○則○無○徒○冕○而○前○旒○所○以○蔽○明○難○續○克○耳○所○以○
塞○聰○明○有○所○不○見○聰○有○所○不○聞○舉○大○德○救○小○過○無○求○
備○於○一○人○之○義○也○枉○而○直○之○使○自○得○之○優○而○柔○之○使○
自○求○之○揆○而○度○之○使○自○索○之○蓋○聖○人○教○化○如○此○欲○自○

得之自得之則敏且廣矣。今世之處士，魁然無徒，廓然獨居，上觀許由，下察接輿，計同范蠡，忠合子胥，天下和平，與義相扶，寡耦少徒，固其宜也。子何疑於我哉？若夫燕之用樂毅，秦之任李斯，酈食其之下齊，說行如流，曲從如環，所欲必得，功若丘山，海內定，國家安，是遇其時也。子又何怪之邪？語曰：以管闚天，以蠡測海，以莛撞鐘，豈能通其條貫，考其文理，發其音聲哉？繇是觀之，譬猶鼪鼯之襲狗，鼪鼯小鼠也，狐豚之咋虎，至則靡耳，何功之有？今以下愚而非處士，雖欲勿困，

固不得已

東方先生人品文章漢朝第一惟其澹也觀其脩
身道常之指此實聖人之徒而漢史以滑稽目之
過矣

東方朔

非有先生論

非有先生仕於吳、進不稱往古以厲主意、退不能揚君美以顯其功、默默無言者三年矣。吳王怪而問之曰：寡人獲先人之功、寄食於衆賢之上、夙興夜寐、未嘗敢怠也。今先生率然高舉、遠集吳地、將以輔治寡人、誠竊嘉之。體不安席、食不甘味、目不視靡曼之色、耳不聽鐘鼓之音、虛心定志、欲聞流議者、三年于茲矣。今先生進無以輔治、退不揚主譽、竊不爲先生取

之也。蓋懷能而不見，是不忠也。見而不行，主不明也。意者寡人殆不明乎？非有先生伏而唯唯。吳王曰：可。以談矣。寡人將竦意而覽焉。先生曰：於戲，可乎哉？可乎哉？談何容易。夫談有悖於目，拂於耳，謬於心，而便於身者，或有說於目，順於耳，快於心，而毀於行者，非有明王聖主，孰能聽之。吳王曰：何爲其然也？中人已上，可以語上也。先生試言，寡人將聽焉。先生對曰：昔者闕龍逢、涇諫於桀，而王子比干直言於紂。此二臣者，皆極慮盡忠，閔主澤不下流，而萬民騷動，故直言。

其失切諫其邪者將以爲君之榮除主之禍也。今則不然。反以爲誹謗君之行。無人臣之禮。果紛然傷於身。蒙不辜之名。戮及先人。爲天下笑。故曰。談何容易。是以輔弼之臣瓦解。而邪諂之人竝進。遂及蜚廉惡來。革等二人皆詐僞巧言利口。以進其身。陰奉瑯琊刻鏤之好。以納其心。瑯琊音篆務快耳目之欲。以苟容爲度。遂往不戒。身沒被戮。宗廟崩弛。國家爲虛。弛頽也放戮聖賢。親近讒夫。詩不云乎。讒人罔極。交亂四國。此之謂也。故卑身賤體。說色微辭。愉愉响响。終無益於

主上之治。則志士仁人不忍爲也。將儼然作矜嚴之色。深言直諫。上以拂主之邪。下以損百姓之害。則忤於邪主之心。歷於衰世之法。故養壽命之士。莫肯進也。遂居深山之間。積土爲室。編蓬爲戶。彈琴其中。以咏先王之風。亦可以樂而忘死矣。是以伯夷叔齊避周。餓于首陽之下。後世稱其仁。如是邪主之行。固足畏也。故曰。談何容易。於是吳王懼然。易容捐薦去几。危坐而聽。先生曰。接輿避世。箕子被髮陽狂。此二人者。皆避濁世以全其身者也。使遇明王聖主。得清燕

之間寬和之色發憤畢誠圖畫安危揆度得失上以安主體下以便萬民則五帝三王之道可幾而見也故伊尹蒙耻辱負鼎俎和五味以干湯太公釣於渭之陽以見文王心合意同謀無不成計無不從誠得其君也深念遠慮引義以正其身推恩以廣其下本仁祖義褒有德祿賢能誅惡亂總遠方一統類美風俗此帝王所由昌也上不變天性下不奪人倫則天地和洽遠方懷之故號聖王臣子之職既加矣於是裂地定封爵爲公侯傳國子孫名顯後世民到于今

稱之、以遇湯與文王也。太公伊尹以如此、龍逢比干、獨如彼、豈不哀哉。故曰、談何容易。於是吳王穆然、俛而深惟、叩而泣下。交頤曰、嗟乎、余國之不亾也、縣縣連連、殆哉、世之不絕也。於是正明堂之朝、齊君臣之位、舉賢才、布德惠、施仁義、賞有功、躬節儉、減後宮之費、損車馬之用、放鄭聲、遠佞人、省庖厨、去侈靡、卑宮館、壞苑囿、填池塹、以予貧民、無產業者、開內臧、振貧窮、存耆老、卹孤獨、薄賦歛、省刑辟、行此三年、海內晏然、天下大治、陰陽和調、萬物咸得其宜、國無災害之

變民無飢寒之色。家給人足。畜積有餘。囹圄空虛。鳳
皇來集。麒麟在郊。甘露旣降。朱草萌芽。遠方異俗之
人。鄉風慕義。各奉其職。而來朝賀。故治亂之道。存亡
之端。若此易見。而君人者。莫肯爲也。臣愚竊以爲過。
故詩云。王國克生。惟周之禎。濟濟多士。文王以寧。此
之謂也。

鬚眉如動。咳嗽能聞。此爲化工之筆。四子講論一
效。便俗天人相法。此以遠哉。

漢書 史論

顧在觀觀生

沛中趙延祚永錫

雲間

許清胤介夫輯評

顧之萃宗之叅訂

句章陳

裕廣生

陳


祐天生

百官公卿表

易敘宓犧神農黃帝作教化民而傳述其官以爲宓
犧龍師名官神農火師火名黃帝雲師雲名少昊鳥
師鳥名自顓頊以來爲民師而命以民事有重黎句
芒祝融后土蓐收玄冥之官然已上矣書載唐虞之

際命羲和四子順天文授民時咨四岳以舉賢材湯
側陋十有二牧采遠能邇禹作司空平水土棄作后
稷播百穀禹作司徒敷五教咎繇作士正五刑垂作
其工利器用益作朕虞育草木鳥獸伯夷作秩宗典
三禮夔典樂和神人龍作訥言出入帝命夏殷亡聞
焉周官則備矣天官冢宰地官司徒春官宗伯夏官
司馬秋官司寇冬官司空是爲六卿各有徒屬職分
用于百事太師太傅太保是爲三公益參天子坐而
議政無不總統故不以一職爲官名又立三少爲之

副少師少傅少保，是爲孤卿，與六卿爲九焉。記曰：三公無官，言有其人，然後充之。舜之于堯，伊尹于湯，周公召公于周，是也。或說司馬主天，司徒主人，司空主土，是爲三公。四岳謂四方諸侯，自周衰，官失而百職亂，戰國並爭，各變異。秦兼天下，建皇帝之號，立百官之職。漢因循而不革，明簡易，隨時宜也。其後頗有所改。王莽篡位，慕從古官，而吏民弗安，亦多虐政，遂以亂亡。故畧表舉大分，以通古今，備溫知新之義云。



三

七

一

漢書序

異姓諸侯王表

昔詩書述虞夏之際。舜禹受禪。積德累功。洽于百姓。攝位行政。考之于天。經數十年。然後在位。殷周之王。乃繇商稷。修仁行義。歷十餘世。至于湯武。然後放殺。秦起襄公。章文繆獻。章著也孝昭嚴。稍蠶食六國。嚴謂莊襄王百有餘載。至始皇。廼并天下。以德若彼。用力如此。其難難也。秦既稱帝。患周之敗。以爲起於處士橫議。諸侯力爭。四夷交侵。以弱見奪。於是削去五等。墮城。

削刃。箝語。燒書。內鋤雄俊。外攘胡粵。用壹威權。爲萬世安。然十餘年間。猛敵橫發。乎不虞。適戍彊於五伯。閭閻偏於戎狄。嚮應瘠於謗議。瘠音慘奮臂威於甲兵。

鄉秦之禁。適所以資豪傑而速自斃也。是以漢亾尺土之階。繇一劒之任。五載而成帝業。書傳所記。未嘗有焉。何則。古世相革。皆承聖王之烈。今漢獨收孤秦之弊。鑄金石者。難爲功。摧枯朽者。易爲力。其執然也。故據漢受命譜十八王月而列之。天下一統。廼以年數。訖于孝文。異姓盡矣。

序異姓諸王而反覆於漢有天下之易本漢所置
又旋踵隳滅天下一統是以論其勢也

阨。隴。河。洛。之。間。分。爲。二。周。有。逃。責。之。臺。被。竊。鉄。之。言。
然。天。下。謂。之。共。主。疆。大。弗。之。敢。傾。歷。載。八。百。餘。年。數。
極。德。盡。旣。於。王。赧。降。爲。庶。人。用。天。年。終。號。位。已。絕。於。
天。下。尚。猶。枝。葉。相。持。莫。得。居。其。虛。位。海。內。無。主。三十。
餘。年。秦。據。執。勝。之。地。騁。狙。詐。之。兵。蠶。食。山。東。壹。切。取。
勝。因。矜。其。所。習。自。任。私。知。姍。笑。三。代。盪。滅。古。跡。竊。自。
號。爲。皇。帝。而。子。弟。爲。匹。夫。內。亾。骨。肉。本。根。之。輔。外。亾。
尺。土。藩。翼。之。衛。陳。吳。奮。其。白。挺。劉。項。隨。而。斃。之。故。曰。
周。過。其。歷。秦。不。及。期。國。執。然。也。漢。興。之。初。海。內。新。定。

同姓寡少懲戒亾秦孤立之敗於是部裂疆土立三等之爵。大者王小者侯也功臣侯者百有餘邑尊王子弟大

啓九國自鴈門以東盡遼陽爲燕代常山以南太行左轉渡河濟漸于海爲齊趙穀泗以往奄有龜蒙爲梁楚東帶江湖薄會稽爲荆吳北界淮瀕略廬衡爲淮南波漢之陽亘九嶷爲長沙諸侯比境周币三垂外接胡越天子自有三河東郡潁川南陽自江陵以西至巴蜀北自雲中至隴西與京師內史凡十五郡公主列侯頗邑其中而藩國大者夸州兼郡連城數

十。宮室百官。同制京師。可謂橋枉過其正矣。雖然。高祖創業。日不暇給。孝惠享國。又淺。高后女主攝位。而海內晏如。亡狂狡之憂。卒折諸呂之難。成大宗之業者。亦賴之於諸侯也。然諸侯原本以大。末流濫以致溢。小者滯荒越法。大者睽孤橫逆。以害身喪國。故文帝采賈生之議。分齊趙。景帝用鼂錯之計。削吳楚。武帝施主父之冊。下推恩之令。使諸侯王得分戶邑。以封子弟。不行黜陟。而藩國自析。自此以來。齊分爲七。趙分爲六。梁分爲五。淮南分爲三。皇子始立者。大國

不過十餘城。長沙燕伐。雖有舊名。皆亾南北邊矣。景
遭土國之難。抑損諸侯。減黜其官。武有衡山淮南之
謀。作左官之律。設附益之法。諸侯惟得衣食稅租。不
與政事。至於哀平之際。皆繼體苗裔。親屬疎遠。生於
帷牆之中。不爲士民所尊。執與富室亾異。而本朝短
世。國統三絕。是故王莽知漢中外殫微。本末俱弱。亾
所忌憚。生其姦心。因母后之權。假伊周之稱。顓作威
福。廟堂之上。不降階序。而運天下。詐謀旣成。遂據南
面之尊。分遣五威之吏。馳傳天下。班行符命。漢諸侯

王厥角。錯首奉。上璽鼓。惟恐在後。或廼稱美頌德。以求容媚。豈不哀哉。是以究其終始。彊弱之變。明監戒焉。

利害昭晰。非後世封建論所及。

漢書序

高惠高后文功臣表序

自古帝王之興。曷嘗不建輔弼之臣。所與共成天功者乎。漢興自秦二世元年之秋。楚陳之歲。初以沛公總帥雄俊。三年。然後西滅秦。立漢王之號。五年。東克項羽。卽皇帝位。八載而天下廼平。始論功而定封。訖十二年。侯者百四十有三人。時大城名都。民人散亡。戶口可得而數。裁什二。三是以大侯不過萬家。小者五六百戶。封爵之誓曰。使黃河如帶。泰山若厲。國以

永存爰及苗裔於是申以丹書之信重以白馬之盟

又作十八侯之位次

蕭何曹參張敖周勃樊噲酈商
奚涓夏侯嬰灌嬰傅寬靳歙王

陵陳武王吸薛歐

高后二年復詔丞相陳平盡差列

周呂丁復蠡達

侯之功錄第下竟藏諸宗廟副在有司始未嘗不欲

固根本而枝葉稍落也故逮文景四五世間流民既

歸戶口亦息列侯大者至三四萬戶小國自信富厚

如之子孫驕逸忘其先祖之艱難多陷法禁隕命亡

國或云子孫迄于孝武後元之年靡有孑遺耗矣罔

亦少密焉故孝宣皇帝愍而錄之乃開廟臧覽舊籍

詔令有司。求其子孫。咸出庸保之中。並受復除。或加
以金帛。用章中興之德。降及孝成。復加恤問。稍益衰
微。不絕如綫。善乎杜業之納說也。曰。昔唐以萬國。致
時雍之政。虞夏以之多群。后饗其已之治。湯法三聖。
殷氏太平。周封八百。重譯來賀。是以內恕之君。樂繼
絕世。隆名之主。安立亾國。以立亾國之
後爲安泰也至於不及下
車。德念深矣。成王察牧野之克。顧群后之勤。知其恩
結於民心。功光於王府也。故追述先父之志。錄遺老
之策。高其位。大其寓。愛敬餘盡。命賜備厚。大孝之隆。

於是爲至。至其沒也。世主歎其功。無民而不思。所息之樹。且猶不伐。況其廟乎。是以燕齊之祀。與周並傳。子繼弟及。歷載不墮。豈無刑辟。繇祖之竭力故支庶賴焉。迹漢功臣。亦皆割符世爵。受山河之誓。存以著其號。亾以顯其寃。賞亦不細矣。百餘年間。而襲封者盡。或絕失姓。或乏無主。朽骨孤於墓。苗裔流於道。生爲愍隸。死爲轉屍。以往況今。甚可悲傷。聖朝憐閔。詔求其後。四方忻忻。靡不歸心。出入數年。而不省察。恐議者不思大義。設言虛亾。則厚德掩息。遶東布章。東古

簡字也。遴
讀與吝同。

非所以視化勸後也。三人爲衆。雖難盡繼。
宜從尤功。於是成帝復紹蕭何。哀平之世。增修曹參。
周勃之屬。得其宜矣。以綴續前記。究其本末。并序位
次。盡于孝文。以昭元功之矣。籍云。

開基之主。安享王業。佐命之臣。出身萬死。雖有尺
土之傳。旋受誅夷之咎。漢之少恩也。讀此序行道
爲之隕涕。

漢書

表序

三

宜并大收。然其為帝。其孫蕭何。其平之。其曾冬。其

與容同。非祖以縣外。博發也。三人為舉。魏鎮。盡

論字也。盡

漢書序

外戚恩澤侯表序

自古受命及中興之君。必興滅繼絕。修廢舉逸。然後天下歸仁。四方之政行焉。傳稱武王克殷。追存賢聖。至乎不及下車。世代雖殊。其揆一也。高帝撥亂誅暴。庶事草創。日不暇給。然猶修祀六國。求聘四皓。過魏則寵無忌之墓。適趙則封樂毅之後。及其行賞而授位也。爵以功爲先後。官用能爲次序。後嗣共已遵業。舊臣繼踵居位。至乎孝武。元功宿將。略盡會上。亦興

文學進拔幽隱。公孫弘自海瀕而登宰相。於是寵以
列侯之爵。又疇咨前代。詢問耆老。初得周後復加爵
邑。自是之後。宰相畢侯矣。元成之間。晚得殷世。以備
賓位。漢興外戚與定天下。侯者二人。故誓曰。非劉氏
不王。若有亡功。非上所置而侯者。天下共誅之。是以

高后欲王諸呂。王陵廷爭。孝景將侯王氏。修侯犯色。

修音

卒用廢黜。是後薄昭竇嬰上官衛霍之侯。以功

受爵。其餘后父據春秋褒紀之義。

春秋天子將納后於紀紀本子爵也

故先褒

帝舅緣大雅申伯之意。

申伯周宣王元舅也為邑於謝

寢廣

漢書序

溝洫志序

昔在黃帝、作舟車以濟不通、旁行天下、方制萬里、畫
埴分州、得百里之國萬區、是故易稱先王以建萬國、
親諸侯、書云協和萬國、此之謂也、堯遭洪水、懷山襄
陵、天下分絕爲十二州、使禹治之、水土旣平、更制九
州、列五服、任土作貢、後受禪於虞、爲夏后氏、殷因於
夏、亾所變改、周旣克殷、監于二代而損益之、定官分
職、改禹、徐梁二州、合之於雍、青、分冀州之地、以爲幽

并故周官有職方氏掌天下之地。辯九州之國。而保
章氏掌天文。以星土辯九州之地。所封封域。皆有分
星。以視吉凶。周爵五等。而土三等。公侯百里。伯七十
里。子男五十里。不滿爲附庸。蓋千八百國。而太昊黃
帝之後。唐虞。侯伯猶存。帝王圖籍相踵。而可知。周室
旣衰。禮樂征伐。自諸侯出。轉相吞滅。數百年間。列國
耗盡。至春秋時。尚有數十國。五伯迭興。摠其盟會。陵
夷至于戰國。天下分而爲七。合從連衡。經數十年。秦
遂并兼四海。以爲周制微弱。終爲諸侯所喪。故不立

尺土之封。分天下爲郡縣。盪滅前聖之苗裔。靡有孑遺者矣。漢興。因秦制度。崇恩德。行簡易。以撫海內。至武帝攘卻胡越。開地斥境。南置交趾。北置朔方之州。兼徐梁幽并夏周之制。改雍曰涼。改梁曰益。凡十三部置刺史。先王之迹旣遠。地名又數改易。是以采獲舊聞。考迹詩書。推表山川。以綴禹貢周官。春秋下及戰國秦漢焉。

十志文繁詞重。不可載。又不可得而刪畧。此序全採禹貢周官處輒一去之。烟波澹蕩。文有餘情。此

以知爲大家之作矣

漢書序

循吏傳序

漢興之初、反秦之敝、與民休息、凡事簡易、禁商、疏濶、而相國蕭、曹以寬厚清靜爲天下帥、民作畫一之歌、孝惠垂拱、高后女主、不出房闥、而天下晏然、民務稼穡、衣食滋殖、至于文景、遂移風易俗、是時循吏如河、南守吳公、蜀守文翁之屬、皆謹身帥先、居以廉平、不、至於嚴、而民從化、孝武之世、外攘四夷、內改法度、民、用彫敝、姦軌不禁、時少能以化治稱者、唯江都相董

仲舒內史公孫弘倪寬居官可紀三人皆儒者通於世務明習文法以經術潤飾吏事天子器之仲舒數謝病去弘寬至三公孝昭幼冲霍光秉政承奢侈師旅之後海內虛耗光因循守職無所改作至於始元元鳳之間匈奴鄉化百姓益富舉賢良文學問民所疾苦於是罷酒榷而議鹽鐵矣及至孝宣繇仄陋而登至尊興于閭閻知民事之艱難自霍光薨後始躬萬機厲精爲治五日一聽事自丞相以下各奉職而進及拜刺史守相輒親見問觀其所繇退而考察所

行以質其言、有名實不相應、必知其所以然、常稱曰、
庶民所以安其田里、而亡嘆息愁恨之心者、政平訟
理也、與我共此者、其唯良二千石乎、以爲太守吏民
之本也、數變易、則下不安、民知其將久、不可欺罔、廼
服從其教化、故二千石有治理效、輒以璽書勉厲、增
秩賜金、或爵至關內侯、公卿缺、則選諸所表、以次用
之、是故漢世良吏、於是爲盛、稱中興焉、若趙廣漢、韓
延壽、尹翁歸、嚴延年、張敞之屬、皆稱其位、然任刑罰、
或抵罪誅、王成、黃霸、朱邑、龔遂、鄭弘、召信臣等、所居

民富所去見思生有榮號死見奉祀此廩廩庶幾德讓君子之遺風矣

去戰國以上諸人視史記爲澹宕矣

漢書序

貨殖傳序

昔先王之制自天子公侯卿大夫士至于卑隸抱關

擊柝首

柝音吐
各反

其爵祿奉養宮室車服棺槨祭祀死

生之制各有差品小不得僭大賤不得踰貴夫然故

上下序而民志定於是辯其土地川澤丘陵衍沃原

隰之宜教民樹種畜養五穀六畜及至魚鼈鳥獸墾

蒲材幹器用之資所以養生送終之具靡不皆育育

之以時而用之有節草木未落斧斤不入於山林豺

獮未祭且網不布於罍澤鷹隼未擊矰弋不施於後

隧既順時而取物然猶山不剝蘂澤不伐天剝古槎字鰥

魚麇卵咸有常禁鰥小蟲也麇鹿子也卵鳥卵也月令孟春之月毋殺狹蟲毋麇毋卵

所以順時宣氣蕃阜庶物穡足功用如此之備也然

後四民因其土宜各任智力夙興夜寐以治其業相

與通功易事交利而俱贍非有徵發會期而遠近咸

足故易曰后以財成輔相天地之宜以左右民備物

致用立成器以爲天下利莫大乎聖人此之謂也管

子云古之四民不得雜處士相與言仁義於閒晏工

相與議技巧於官府、商相與語財利於市井、農相與
謀稼穡於田壥、朝夕從事、不見異物而遷焉、故其父
兄之教、不肅而成、子弟之學、不勞而能、各安其居而
樂其業、甘其食而美其服、雖見奇麗紛華、非其所習、
辟猶戎翟之與于越、不相入矣、是以欲寡而事節、財
足而不爭、於是在民上者、道之以德、齊之以禮、故民
有耻而且敬、貴誼而賤利、此三代之所以直道而行、
不嚴而治之大畧也、及周室衰、禮法墮、諸侯刻桷丹
楹、大夫山節藻梲、八佾舞于庭、雍徹於堂、其流至乎

士庶人莫不離制而弃本，稼穡之民少，商旅之民多，穀不足而貨有餘，陵夷至乎桓文之後，禮誼大壞，上下相冒，國異政，家殊俗，耆欲不制，僭差亾極。於是商通難得之貨，工作亾用之器，士設反道之行，以追時好而取世資，爲民背實而要名，姦夫犯害而求利，篡弑取國者爲王公，圍奪成家者爲雄桀，禮義不足以拘君子，刑戮不足以威小人，富者木土被文錦，犬馬餘肉粟而貧者裋褐不完，嗆菽飲水，其爲編戶齊民同列，而以財力相君，雖爲僕虜，猶亾慍色。故夫飾變。

詐爲姦軌者自足乎一世之間守道循理者不免於
饑寒之患其教自上興繇法度之無限也故列其行
事以傳世變云

貧富之間盛衰之際太史公爲裂眦班孟堅爲雪

涕

新。舊。史。記。上。卷。也。有。三。十。卷。之。多。以。是。時。
新。舊。史。記。上。卷。也。有。三。十。卷。之。多。以。是。時。

食。習。之。間。盛。衰。之。制。太。史。公。為。探。卹。無。孟。聖。忽。聖。

等。見。新。舊。史。記。上。卷。也。有。三。十。卷。之。多。以。是。時。

等。見。新。舊。史。記。上。卷。也。有。三。十。卷。之。多。以。是。時。

等。見。新。舊。史。記。上。卷。也。有。三。十。卷。之。多。以。是。時。

漢書序

游俠傳序


古者天子建國、諸侯立家、自卿大夫以至于庶人、各有等差、是以民服事其上而下無覬覦。孔子曰：天下有道、政不在大夫、百官有司、奉法承令、以修所職、失職有誅、侵官有罰。夫然、故上下相順、而庶事理焉。周室既微、禮樂征伐自諸侯出、桓文之後、大夫世權、陪臣執命、陵夷至於戰國、合從連衡、力政爭彊、繇是列國公子、魏有信陵、趙有平原、齊有孟嘗、楚有春申、皆

藉王公之執競爲游俠。鷄鳴狗盜無不賓禮。而趙相
虞卿棄國捐君。以周窮交魏齊之厄。信陵無忌竊符
矯命。戮將專師。以赴平原之急。皆以取重諸侯。顯名
天下。溢擊而游談者。以四豪爲稱首。於是背公死黨
之議成。守職奉上之義廢矣。及至漢興。禁網疏濶。未
之匡改也。是故代相陳豨從車千乘。而吳濞淮南皆
招賓客以千數。外戚大臣。魏其武安之屬。競逐於京
師。布衣游俠劇孟郭解之徒。馳騫於閭閻。權行州域。
力折公侯。衆庶榮其名迹。覲而慕之。雖其陷於刑辟。

自與殺身成名若季路仇牧死而不悔也故曾子曰
上失其道民散久矣非明王在上視之以好惡齊之
以禮法民曷繇知禁而反正乎古之正法五伯三王
之皐人也而六國五伯之皐人也夫四豪者又六國
之皐人也况於郭解之倫以匹夫之細竊殺生之權
其罪已不容於誅矣觀其溫良泛愛振窮周急謙退
不伐亦皆有絕異之姿惜乎不入於道德苟放縱於
末流殺身亾宗非不幸也

此等豪傑欲使人不愛之重之勢不可得欲不使

人死之亦不可得班氏譏太史公退處士而進奸
雄視此文又何說也



漢書贊

武帝紀贊

贊曰漢承百王之弊高祖撥亂反正文景務在養民至于稽古禮之事猶多闕焉孝武初立卓然罷黜百家表章六經遂疇咨海內舉其俊茂與之立功興太學修郊祀改正朔定曆數協音律作詩樂建封禪禮百神紹周後號令文章煥焉可述後嗣得遵洪業而有三代之風如武帝之雄材大畧不改文景之恭儉以濟斯民雖詩書所稱何有加焉

此贊不獨善容武帝之盛亦雅稱武帝之氣

漢書贊

宣帝紀贊

贊曰孝宣之治信賞必罰綜核名實政事文學法理之士咸精其能至于技巧工匠器械自元成間鮮能及之亦足以知吏稱其職民安其業也遭值匈奴乖亂推亡固存信威北夷單于慕義稽首稱藩功光祖宗業垂後嗣可謂中興侔德殷宗周宣矣



漢書贊

元帝紀贊

贊曰、臣外祖兄弟爲元帝侍中、語臣曰、元帝多材藝、善史書、鼓琴、瑟、吹洞簫、自度曲、被歌聲、分判節度、窮極幼眇、少而好儒、及卽位、徵用儒生、委之以政、貢薛韋匡、迭爲宰相、而上牽制文義、優游不斷、孝宣之業衰焉、然寬弘盡下、出於恭儉、號令溫雅、有古之風烈、

漢書贊

郊祀志贊

贊曰漢興之初庶事草創唯一叔孫生略定朝廷之儀若廼正朔服色郊望之事數世猶未章焉至于孝文始呂夏郊而張倉據水德公孫臣賈誼更以為土德卒不能明孝武之世文章為盛太初改制而兒寬司馬遷等猶從臣誼之言

公孫臣賈誼

服色數度遂順黃

德彼以五德之傳從所不勝

傳音亭傳之傳五帝相承代常以金木水火相

勝之法若火滅金便以火代金

秦在水德故謂漢據土而克之劉向

父子呂爲帝出于震故包羲氏始受水德其後呂毋
傳子終而復始自神農黃帝下歷唐虞三代而漢得
火焉故高祖始起神毋夜號著赤帝之符旗章遂赤
自得天統矣

向父子雖有此議時不施行至光武建武二年乃用火德色尚赤耳

昔其

工氏呂水德開于水火與秦同運非其次序故皆不
承繇是言之祖宗之制蓋有自然之應順時宜矣寃
觀方士祠官之變谷永之言不亦正乎不亦正乎

前漢水土不定後漢赤火遂明然未嘗以此爲兩
漢優劣也抑末矣

漢書贊

張耳陳餘列傳贊

贊曰、張耳陳餘、世所稱賢、其賓客廝役、皆天下俊桀、所居國、無不取卿相者、然耳餘始居約時、相然信死、豈顧問哉、及據國爭權、卒相滅亾、何鄉者慕用之誠、後相背之鑿也、執利之交、古人羞之、蓋謂是矣、凡令之人、可不自省、可不自厲、

武合人自年自許可不自

家時其主與自許之武合人強之武合人失

是時因結武合人年時卒時武合人失

武合人失武合人失武合人失武合人失

武合人失武合人失武合人失武合人失

武合人失武合人失

武合人失

漢書贊

季布欒布田叔傳贊

贊曰以項羽之氣而季布以勇顯名楚身履軍寧旌者數矣可謂壯士及至困厄奴僇苟活而不變何也彼自負其材受辱不羞欲有所用其未足也故終爲漢名將賢者誠重其死夫婢妾賤人感槩而自殺非能勇也其畫無俚之至耳計畫無所成欒布哭彭越田叔隨張敖赴死如歸彼誠知所處雖古烈士何以加哉

漢書贊

李廣蘇建傳贊

贊曰李將軍恂恂如鄙人口不能出辭及死之日天下知與不知皆爲流涕彼中心誠信于士大夫也諺曰桃李不言下自成蹊此言雖小可以喻大然三代之將道家所忌自廣至陵遂亾其宗哀哉孔子稱志士仁人有殺身以成人無求生以害仁使於四方不辱君命蘇武有之也

言士大夫皆爲李將軍流涕所以深致恨於青也

漢書贊

武王子傳贊

贊曰。巫蠱之禍。豈不哀哉。此不唯一江充之辜。亦有天時。非人力所致焉。建元六年。蚩尤之旗見。其長竟天。後遂命將出征。略取河南。建置朔方。其春戾太子生。自是之後。師行三十年。兵所誅屠夷滅。成者不可勝數。及巫蠱事起。京師流血。僵尸數萬。太子父子皆敗。故太子生長於兵。與之終始。何獨一嬖臣哉。秦始皇卽位三十九年。內平六國。外攘四夷。成。人如亂麻。

暴骨長城之下，頭盧相屬於道，不一日而無兵，繇是
山東之難興，四方潰而逆秦，秦將吏外畔，賊臣內發，
亂作蕭牆，禍成二世，故曰：兵猶火也，弗戢必自焚，信
矣。是以倉頡作書，止戈爲武，聖人以武禁暴，整亂止
息兵戈，非以爲殘而興縱之也。易曰：天之所助者順
也，人之所助者信也。君子履信思順，自天祐之，吉無
不利也。故車千秋指明蠱情，章太子之冤，千秋材知
未必能過人也，以其銷惡運，遏亂原，因衰激極，道迎
善氣，激去至極之災，引

致福善之氣也

傳得天人之祐助云傳引

建元六年長星見元朔元年春戾太子生然止竊
黷獎仁言勸戒深矣

贊曰柔曼之何意非個女治是亦有男也焉觀前門
鄧韓之徒非一而董賢之寵尤甚父子並為公卿可
謂貴重人臣無二矣然世亦

思民戈非以為發而興終

也人之所助者信也君子侵信感順自天師之吉無

不利也故車千秋指明義情章太子之室千秋甘如

木讎樊子言讎亦利矣惡運遇此原因衰微極道連

黃表示六平斗星具示晦示平春吳太子坐然土臨

漢書贊

佞幸傳贊

贊曰。柔曼之傾意。非獨女德。蓋亦有男色焉。觀籍閣
鄧韓之徒。非一。而董賢之寵尤盛。父子並爲公卿。可
謂貴重。人臣無二矣。然進不繇道。位過其任。莫能有
終。所謂愛之適足以害之者也。漢世衰於元成。壞於
哀平。哀平之際。國多釁矣。主疾無嗣。弄臣爲輔。鼎足
不彊。棟幹微撓。一朝帝崩。姦臣擅命。董賢繼死。丁傅
流放。辜及母后。奪位幽廢。咎在親便嬖。所任非仁賢。

故仲尼著損者三友王者不私人以官殆爲此也
卽無董賢無救王氏雖有二孺鄧韓諸人不爲高
惠文武禍也賢亦不幸而事值哀帝者矣

漢書贊

西域傳贊

贊曰。孝武之世。圖制匈奴。患其兼從西國。結黨南羌。廻表河曲。列四郡。開玉門。通西域。以斷匈奴右臂。隔絕南羌。月氏。單于失援。繇是遠遁。而幕南無王庭。遭值文景玄默。養民五世。天下殷富。財力有餘。士馬疆盛。故能睹犀布瑋瑁。則建珠崖七郡。感枸醬竹杖。則開牂柯越舊。聞天馬蒲陶。則通大宛安息。自是之後。明珠文甲。通犀翠羽之珍。盈於後宮。蒲梢龍文魚目。

汗血之馬。克於黃門。鉅象師子。猛犬大雀之群。食於外園。殊方異物。四面而至。於是廣開上林。穿昆明池。營千門萬戶之宮。立神明通天之臺。興造甲乙之帳。落以隨珠和璧。天子負黼衣。襲翠被。馮玉几而處其中。設酒池肉林以饗四夷之客。作巴俞都盧。海中磬極。漫衍魚龍角抵之戲。以觀視之。及賂遺贈送。萬里相奉。師旅之費。不可勝計。至於用度不足。廼權酒酤。筦鹽鐵。鑄白金。造皮幣。筭至車船。租及六畜。民力屈。財用竭。因之以凶年。寇盜並起。道路不通。直指之使。

始出衣繡杖斧。斷斬於郡國。然後勝之。是以末年遂
棄輪臺之地。而下哀痛之詔。豈非仁聖之所悔哉。

孝武之盛。開闢以來。中國未有也。輪臺一詔。功遂
業成。以示不可爲法於後世耳。豈知聖人之心哉。

樂以以示不何益哉
飲餘甘耳豈味厚乎以助

奉之益開闢以來
中國未有此餅也一餅既

樂餅之鼓而不來韻
之踏豈非以餅之鼓而

鼓而示餅之鼓而示餅之鼓

